山庫全幸

史部

欽定四庫全書 朱霞客遊記卷六六

詳校官太常寺少師臣陳桂森 編修臣程嘉誤覆勘

校對官檢計臣季學錦 總校官庶吉王臣朱 腾绿監庄臣係

鲚

騰

火里里车 全 徐雲客遊記 境圖見盤江自其南界 明 何别駕求廣西府志是 小標地名无從知 其 徐宏祖 撰

廣西府西界大山萬列如屏直三南去曰草子山西界 新大開又有西番前 為郡治西支横属西界者有小水從穴湧出甚巨是為瀘 即大麻子衛從大龜來者東界峻逼而西界層叠北有 初九日予今顧僕辭何促其志大雨不止 初十日何言竟志无印就者已命殺青矣午霽始見黄 石山森羅於中連絡两界曰發果山東支南下者結 八日何收書欲相見是日雨子不往 次至四年·在馬 發果山員若貫珠横列郡後東下一支 司奇鶴奉則學 官所托西下一支曰鉄龍举則萬壽寺所倚而郡城當 最遠者也 源經西門大橋而為矣那池之源者也此海亦從穴湯 南北中窪之坑而水則去來皆透於穴矣此郡山之 何故矣那池之南復有遠山東西横属則此中其名 能向〇此瀘江非廣中 瀘江也瀘江在南而此是錫岡北塢水此未必合出也矣那池俗名海言此水入穴即從竹園村北龍潭出未知果否 1 横截仍入太守塘山穴中 為尤其也 廣 徐俊客進記

新寺等當發果西垂之南其後山石嶙峋為滇中所 横若翠屏馬即名此郡山之近者也秀山前有伏波將 其中環處城之東北亦有一小石举在其中曰秀山上 金グピスとい 廣福曰靈龜山中奉最小曰文筆奉建塔於上而西奉 多突石前可職湖後可攬翠城南瀬湖復突三峯東即 後殿為伏波像前殿為郡守張繼孟祠弘井風 招撫馬 地 是張夢伏波示以方界既退動以完先是張夢伏波示以方界既退動以完先是張夢不顧身固保城

在前山之南崖後洞在後山之北峒其上如智井從井 焉上洞東南向前有亭下洞南向在上洞西五十步皆 轉而瀘源之水湧於下穴瀘源之洞闢於層崖有三洞 皇閣東為城隍廟俱在城外 亂奉雜沓級以小石岫皆削辨駢枝標青點翠北環西 瀘源洞在城西北四里新寺後山西盡環塢西北其中 无其寺南向後倚峭峰前臨遥海亦此中勝處前有玉 北陸穴而下二十步底界而成脊一穴東北下而小

欠已日年,公子

1

徐霞客追記

穴東南下而廓此三洞之分向也其中所入皆甚深東 炬而火為顧僕所滅遇寬不可得選望一村在隔水之 還寺中索炬始知為洞有三皆須火深入下午强索得 洞西有寺殿兩重入憩而瀹水為餐因由寺西觀水洞 炬穿陆屢起屢伏乳柱紛錯不可窮詰焉 南漲其能達遂不得為深入計即一趨後洞得被其外 轉新寺西峯之嘴而北又北里抵山下歷級游上洞望 一日大霽上午出西門過城隍廟玉皇閣前西一里

慧而返 **高還入下洞探其中門而已仍從舊路歸北入新寺抵**

十二日坐寓待志擬一至即行晚謂顧僕曰志訂就當 即來候也 余初意廣西郡人必悉盤江所出遍徵之終无語者其

不知者反謂西轉獨勒固属顛倒其知者第謂東北注

羅平經黃草壩下即莫解所從矣問所謂東南下廣南

出 田州亦似揣摩之言靡有確據也此也至黃草壩又

大三日日 在

1

徐霞客避記

廣福寺在郡城東二里吉雙鄉在兵邦池之東南與之 色之異 對而獨勒州在郡西九十里一統志乃註寺在獨勒東 東北四五日程余欲從之以此淹留日久逸西之行 金月に及る言 不往州治二處皆籍何天衢守之以與普拒 廣西府鸚鵡最多皆三鄉縣所出然止翠毛丹喙无五 不可遲姑留為歸途之便 三鄉縣乃甲寅蕭守所城維摩州州有流官祇居郡城

炎定四軍全書 府皆東北 抵阿迷皆東北自阿迷抵彌勒皆北行自彌勒抵廣西 其前為界故以属之彌勒耶然今大麻子哨西何以又 九十里鄉為彌勒属何耶宣當時郡无附郭三州各抵 日待之若河清焉 有分界之址也 自省至臨安皆南行自臨安抵石屛州皆西北自臨安 十三日中夜聞雷聲達旦而雨余欲行屢矣而日復 Q 作定客遊記

無北有停極焉詢之乃吾鄉徽郡游公極也游諱大勲 骨稜稜皆龍鱗象角也奉以其形似也下還寺中見右 壁畫亦精工遂過萬 壽寺飯後登寺左鐵龍峯之脊石 十四日再令顧僕促志余束裝以待下雨下零上午得 突四年四月普兵忽乗之竟没於陣今其子現居其地 任廣西三府征普時游率兵屯郡南海梢以防冠之衝 頗宏麗中乃銅像兩廡所塑羣仙像極有生氣正殿四 回音仍欲留至明晨云乃攜行李出西門入玉皇閣閣

一次之四軍私書 為中秋而暗雲密布大風忽吼僧設茶於正殿吸之而 馳還下午何命堂書送志及程儀至余作書謝之是晚 不得歸故停極寺中余為慨然是晚李如玉楊善居諸 十五日余入城探游君之子令顧僕往促何君上午出 君作熙寺中屢承齋詢僧千松亦少解人意是晚月頗 錫者亦以進香至同楊善居索余文各攜之去約抵幕 西門将城隍廟既返寺寺中男婦進香者接踵有吳爾 朗 徐霞客遊記

卧 僕往索之既飯楊君攜酒一樽侑以油餅熏鳧乃酌酒 十六日雨意霏霏不能阻余行色而吴楊文未至令顏 鍾秀山其寔一山也從貧上平行又北三里始見瀘源 下者為鐵龍為萬壽寺之脉中環而南突於城中者為 華山益東奉之南下者為奇鶴為學宮所倚西奉之南 北山而上一里踰其坳即發果山之脊也志又謂之九 而攜是餅以行從玉皇閣後循鐵龍東麓而北一里登

次至四車全書 界分支處由梁下西注南轉塢窮而南入穴出瀘源之 之水而中透瀘源者也由哨前北行場中六里有溪自 盡其西則連奉蛟蜒北自師宗南下為阿盧山界塢中 北而南小石梁跨之是為矣各橋溪水發源於東西兩 沙哨郡城北之鎖鑰也其東即紫薇之後脉猶屛列末 為郡城後倚然瀘源之水穿其西穴而出亦不得為過 脉也從嶺北行又五里而稍下有哨在塢之南尚曰平 洞在西而山脊則東自東界大山横度而西属於西界 1 徐震客進記

塢行塢中水浸成壑有村在其下其西復有連山自北 上流也又北六里有村在西山之半溪峽自東北來路 崢崢峽西自有溪北下路從峽東行兩界山復相持而 額勒哨當即此矣飯仍此行峽中其內石拳四五離立師宗南四十里有飯仍此行峽中其內石拳四五離立 属两界之間有數家倚其上是為中火舖有公館喬核 下西峽中一里抵麓復循東麓北行十五里復有連峒 由西北上山一里蹋嶺而上二里遂瑜西界之脊瞰西 而南與此界又相持成峽焉從有上又北四里乃西北

欠已日東 白雪 龜山督府今亦有普兵出没路南之道一梗不通一城 翁為余言師宗南四十里無一人皆因普亂民不安居 村落自普與夷出沒莫禁民皆避去遂成荒徑廣西本 塢中皆荒茅沮如直抵師宗寂無片樣矣聞昔亦有

禁止恐匪人聞聲而出也循坡涉坳十里有一尖拳當 而老人究不識師宗之遠近也隨路有村可止至是還 坳中穿其胶復西北行路甚寧溪水交流路幾不辨後 而北涉之轉而西北行順色已合顧僕後余從一老 金分正是石書 童子前行躑躅岳黑中余高聲呼顧僕老人報摇手 之老人日余音經此已十久之漸聞大吠聲隱隱知 知顧僕趙何所前不知師宗在何處恭然隨老人行 北行二十里經塢而西從塢中度一橋有小水自南 年前此村居不意一變

啓戸者心惶惶念顏僕負囊山荒路寂泥濘天黑不知 如飴也濯足藉草而即中夜復聞雨聲主人言今早有 余候之久乃啓戶入客瀹湯煮楊君所貽粉糕啖之甘 草茅數家俱己熟寢老人仍同童子去余止而謀宿莫 而後喜可知也既而見前一家有火趋扣其門始固辭 師宗城焉城東門門已閉而外无人居循城東北隅有 何以行且不知從何行久之見暗中一影亟呼而得之 去人境不遠矣過失山共五里下涉一小溪登坡遂得

次定四軍全等

徐霞客遊記

城西有通元洞去城二里又有透石靈泉俱不及将 而開洋不整亦不大水從東南環其北而西去亦不大 師宗在南山峽間東北與西南俱有山環夾其塢縱橫 春敢即沙 十七日晨雨飯而行泥深及膝出門即仆儿行一里有 也城雖磚甃而甚甲城外居民寥寥皆州廬而不見一 **孔其地哨守之兵亦俱何天衢所轄** · 在過之 何) マス⁾ 之 下時有賊出没土人行余曰无之曰可徵 未*君* 晚之 即福 不也

坡東下塢中沮如有小水自北而南入大河溪上流有 停之所是曰大河口河不甚巨而两旁沮洳特甚有石 週橋行塢中一里北上坡遵坡行八里東山始北斷成 山自東北橫亘西南一里防其坡循之東向行三里越 梁跨之與緑生同水勢亦相似過橋北行度塢北復有 北下則峽水西流所經也坡下亦有茅數家為往來居 峽水自峽中西出有寒當峽而峙不知其名余從西坡 水自東南塢來西向注峽而去有石橋跨之為綠生橋

大正日日上日

*

徐霞客追記

水燒其底而成田塍四顧皆高不知水所從出從岡東 望見東北岡上有寨一屯其前即環山成窪中有盤壑 行皆荒坡遥雕夙霧遠迷重茅四塞十五里東踰岡始 宜向東北余東為悮故也亟還從東北半里復上坡東 余隨車路東行諸人哄然大呼余還顧則以羅平大道 啃而乞造橋之犒余界以二文各交口稱謝旣渡半里 四五人索哨錢於此因架木為小橋以渡水見余不索 一里越塢中細流其塢與流皆自南而北即東通盤

金グロガノコー

從梁洞出一從梁洞入乃從梁東選石點勝職峽而坐 **依續水亦自東南流穿盤壑但壑中不知何洩時余從** 壁其上或中剖而成峽或上覆而成梁一塢之中修斷 堅者又東上一里循盤壑之南春行與所望北岡之寨 睇其下如連環夾壁明暗不一曲折透空但峽峭壁削 中梁而度水流其下不知其為梁也望南北峽中水一 穿雕而至其峽自東南大山破壁而至者峽兩崖皆亘 正隔塢相對矣又踰東岡稍下一里則盤壑之東有峽

次至四軍私勢

徐霞客進記

質羅平賊首阿吉所窟處為中道最險故何兵哨守焉 |懸刀植錦而索錢余不之與而過此哨之南即南客崇 木蒙密泥濘及膝名偏頭哨听不居廬路口止有一人 曰張飛哨山中最幽險處也又東下三里懸壑深閒草 轉東下二里有茅當兩奉峽間前植哨竿空而无人是 其問横防衛者始逼北崖旋向南衛二里復踰高者北 上至是宿霧盡開北有削崖近峙南有崇嶺選等取道 无從下穿其穴又東愈為相錯再上再下八里盤嶺再

盡於河底盤江交會處者也從衛上東向平行其間多 行脊上五里路左有場宿火樹間為中火舖乃羅平師 骨稜属二里齊其巔為羅平師宗之分界亦東西二山 墜壑成穽小者為智井大者為盤窪皆叢木其中客不 可窺而拳頭亦多樹多石不若師宗皆土山茅脊也平 脉分支北下結成崇嶺北度此春而為白蠟東龍而東 之分界也改收為這東之冠馬其山盖南自額勒度 又名新哨而師宗界止此矣過哨又東上嶺嶺更峻石

次巴四軍全馬

徐俊客遊記

想其夷人之居而外不能見東眺則南界山岡平豆北 道想其下皆石孔智井故用木補填之也又東下一里 過時輕去余不及矣乃冷食所攜飯又東一里漸下又 宗適中之地當午土人亦有擔具攜炊賣飯於此而旣 界則崇奉屛立相持而東循北坡東行三里復北上坡 始出峽口廻顧西壑崇嶺高懸皆叢箐密翳中有人聲 為棧嵌石隙中非懸崖沿壁而或斷或續每每平舖當 | 里南向下叢中路在箐石間泥濘彌甚一里遂架木

直抵北界奉腰緣之三里奉盡東下有塢縱橫一塢從 巡官過貨而返者仍一里下山抵塢中乃向東塢入半 持矛挟刃而至顧余曰行不及州矣余問营房何在曰 大道北轉入峽遂緣峽東小嶺而上一里忽遇五六人 聞此中有营房一所可宿欲投之四顧茫無所見紙從 時雨色復來路復泥濘計至羅平尚四十里行不能及 已過可宿乎回可遂挟余還盖此輩即营兵乃送地方 孔峽來一塢從東峽來一塢從西峽來一塢向東南去

欠足四重 公馬

徐霞客遊記

营兵回不然余羅平自月初即雨<u>並無一日之晴盖與</u> 奈何雖营畢隘猶勝夷居十倍也余額之索水炊粥拳 其人 頭水甚艱以一拘濯足而已 雨恰中秋之夕在萬壽寺狂風釀雨當復有半月之陰 其顛則营房在焉营中茅舍如蝸上漏下濕人畜雜處 里抵小客之下南向振举而上淡滑不可著足半里登 人猶沾沾謂余公貴人使不遇余輩而前无可托宿 日平明两色霏霏余謂自初一漾田晴後半月无

一容一拳盡臂探之大小如一亦石穴之最奇者余時右 · 中其石高四尺形如虎頭下層若舌之吐而上有一 也其時 之尚或東或北盤旋貨八里稍下有泉一樓出路左石 昨所入塢中東北上一里過昨所返轅處又一里踰山 地之常非偶然也余不信飯後下山山等深處八月正地之常非偶然也余不信飯後下山飯以笋為案笋出 師宗隔一山而山之西今始雨山之東雨已久甚乃此 ,如喉水從喉中溢出垂石端而下墜喉孔員而平僅 寧滑更甚於昨而濃霧充塞較昨亦更甚一里 **抵**

次定四車全書

徐霞客遊記

之底也宣南流亦透穴而去者耶又上東岡二里瑜岡 止及十步而痛忽止余行山中不喜語怪此事余所親 我矣請以佛氏賦法解之如果神之所為祈十步內痛 痛不止余思其故而不得曰此靈泉而以濯足山靈罪 驗而識之者不敢自諱以没山靈也從此漸東下五里 足為泥污以足向舌下就下墜水濯之行未幾右足忽 又東下一里行塢中者三里有小水自西北向東南至 一盤壑中有小水自北而南四圍山如環堵此中窪

於定四軍全書 東上岡三里踰岡之東始見東塢大開自南而北東界 是始遇明流之澗有小橋跨之既度澗從東南去路復 白蠟東瞻羅莊南去甚遥則羅庄自西界老将分支而 囉茅舍數間倚西山東麓焉轉而兆行塢中其塢西傍 而猶遠不睹羅平城近莫見與哆囉也與哆囉即在 則遙審森峭走稱羅 斯立東南西界則崇獻親我是稱自 好時西北東北又有一山東龍山 横排於西界缺處 又東稍下者二里峻下者一里遂抵塢中則與哆 1 徐雲客遊記

不西突路依西界北行送望東界選峰下峭峰離立分 行競類復見專西面目盖此叢立之奉西南始於此東 東環處也塢中時有土岡自西界東走又有石峰自東 岡之下入北二里有池在西岡之下皆岡塢環轉中 之想土岡之東有溪北注以受此諸水數涉水踰岡北 之極云過與哆囉北一重土岡東走即有一重小水隨 北盡於道州磅礴數千里為西南奇勝而此又其西南 五里望西山高處有寒聚居頗衆人北二里有池在東

三次已日早日号 里入羅平南門半里轉東一里出東門停想於楊店是 之二水同出於西門外白蠟山麓龍潭中分流城東南 魯夷之半即從上流分來亦東里餘而減亦一石橋跨 有夾路之居又北半里又有水自西而東注其水不及 日為東門之市既至而日影中露市猶未散因飯於肆 而各陸地穴亦一奇也橋之南始有盈禾之塍又北半 梁跨之為魯夷橋橋下水東南數里入穴中越橋北始 而成者又北三里有水成溪自西而東向注甚急一石 . 徐贾客遊記

盤江曲折能隨口而對似有可據者先是余過南門橋 觀於市市新榛子薰雞夢還楊店而雨濛濛復至楊婿 もりとが 人 師宗界入羅平之東南隅羅莊山外抵八達夷寨會江 **澂江返天上可笑也渭濱言盤江南自廣西府流東北** 有一老者巾服而踞橋坐見余過拉之俱坐余知其土 人因訊以盤江彼茫然也彼又執一人代訊其人謂由 江渭濱者荆州人贅此三載矣煩讀書知青鳥術詢 底河經巴澤河格巴吉與隆那貢至霸樓為霸樓江遂

一欽定四庫全書 一 安界亦相交錯是南盤亦經普安之東南界特未當與 東南下田州不北至黄土壩亦不至普安州第壩樓諸處與書 歷十三年土百者継崇作亂都御史劉世會奉命征討 羅平在曲靖府東南二百餘里舊名羅雄亦土州也萬 之復率兵由師宗進討平之今遂為迤東要地 年繼崇目把董仲文等復叛羈知州何從文作以計出 臨元道文作率萬人由師宗進夾攻平之改為羅平 明 東北之北盤合耳 · 夜客遊記

水也 東環城南出魯夷橋而東入地穴其北有分流小水亦 羅平州城西倚白蠟山下東南六十里為羅莊山東北 師宗東北入境東南抵八達俱在羅莊山外此外界之 如之此内界之水也其西有蛇床河自州西南環州東 州城磚甃頗整州治在東門內俱民惟東門外頗成闌 凡抵河底河俱在白蠟東龍二山外其東南有盤**江**自 西十里為東龍山有水自白蠟山麓龍潭出名魯夷河

居 闇西南二門為賊首官霸阿吉二是不時 劫掠民不能

白蠟山在城西南十餘里頂高十餘里其麓即在西門

白雲一縷横亘其腰如帶圍為州中一景 過脉而東又起為束龍山者也此山雖晴霽之極亦有 外二里上有尖拳南自偏頭寨北抵州西北為磨盤山

東龍山在城東北四十里者繼荣叛時結營其上為巢

次定四車全書 窟官兵攻圍久之內潰而破今其上尚有二監門 31 徐贾客进記

二百里 笋之岫粤西石山之發軟也 至亦佐縣桃源界一百二十里東北至亦佐縣黄草壩 哨六十里南至師宗州烏魯河界八十五里西南至陸 羅平州東至廣南八達界二百里西南至師宗州偏頭 羅莊山在城東南六十里其山參差森列下多卓錐拔 羅平州正西與滇省對正東與廣西思恩府對正北與 凉蛇床河界一百里西北至舊越州界發郎九十里北

十九日坐雨逆旅閱廣西府志下午有伍左李三生來 平夷衛對正南與廣西府永安哨對

二十二日早仍雨將午乃霽浣衣且補級之下午入東 門仍出南門登門外二橋觀魯夷河詢之土人始知其 西出白蠟山麓龍潭仍東入地穴者也還入南門上城

行抵西門望白蠟山麓相去僅三里外有土两一層廻

徐寅客遊記

\$定四車全書

三十日二十一日並雨阻逆旅

之魯夷發源即從其麓透穴而出者也稍北即東轉經 東北向行十里有村在北山之下曰發近德其處南開 即自西界磨盤山轉而東行者板橋大道從翁南東轉 二十三日晨起雲陰四布飯而后行其街從北去居民 北門其西北則磨盤山崎焉為州城來 脉城東北隔涯 頗盛一里出北隘門有岐直北過有者為發即道其領 而南北狹者也 一塘其下始有禾畦即東門接壤矣其城乃東西長

一大三四年人生 有斜霉之勢曰金雞獨立也又東一里有一洞門在南 參差進列即昨與哆囉所望東南界山也又東屢有小 而路漸東北上五里出當關奉之東其東垂有石立上 轉之山南界即大堡山諸石奉相凑成峽而石奉當其一 中若蹲虎然由其東南脫行南界石山森森成隊南去 水南去渡之東五里有石奉突兀當關北界即磨盤東 大場西南即白蠟東南即大堡营山大堡营之南一支 西轉卓起一峯特立於是村之南為正案其南則石峯 徐霞客遊記

峽水同東注又一里有小石梁跨溪踰之從溪南東行 覺當人面而起東行峽中二里有水自峽南洞穴出與 至趙避久之乃隨水下東南峽峽逼路下兩旁山勢仍 家倚北奉下曰没奈德東本下有古殿二重時雨勢大 東環窪東塢有小水北下注東南塢中稻天盈胜有數 者也一里瑜春之東其上有岐南去不知往何夷寒春 其脊即磨盤山東走脉至此又度而南為大堡营東山 小奉下時雨陣復來避入其中飯又東三里東上峽脊 甚下坡即有小石梁其下水亦不大自西而東注乃出 家傍塢而栖曰挨澤村又東北二里為三板橋數家當 髙三踰其南坡抵奉下又東南一里有塘在山塢五六 山之岡其橋尚在岡下時雷雨大至遂止於岡頭上寨 山馬夷亦重山中一聚落也于是又東北一里有石拳 二十四日主人炊飯甚早平日即行雨色霏霏路滑殊 南其中田禾荒或村落高下東二里有數十家夾路曰 一里溪北注峽路東踰岡一里餘有塢自西北來環而

欠己日草上

徐霞客遊記

環合中有平塢經之而北西崙尤突兀焉北半里又穿 為峽入峽東行四里瑜春北上半里入其坳其北四奉 光焉 两南小石 奉排立 問頭自東而西逐與北山環時 一峽從東北者乃入寨道從直東者為大道從之直東一 坳半里復由峽中上一里直抵北巨奉下其奉聳亘危 里登岡上其北有場在北大山下即寨聚所托中有芃 於西北石穴而復入東北穴中者其橋非板而石而猶 仍其舊名橋南復過一寨乃東北行坡間二里有岐當

一六里路從塢而東又五里稍上瑜坳南北峽始開再南 遂循南奉之東南向入塢半里乃東南上半里踰岡脊 稍降而復上升降曲折多循此嶺行與南山相持成塢 而東其東有塢東下路從問頭南向行一里復出南坳 里其東四山攅合奉高峽逼叢木蒙客亦此險之境也 香然路從奉南東轉遂與南奉凑峽甚逼披隙而東半 其坳東西兩军從岡春起路出其側復東向行三里始 削如屏北障其西有塢下陸北去其中等深霧黑望之

次定四車全書

徐霞客遊記

急四顧山廻谷客毫无片際不知東北之從何來不知 盤北嶺之南三里始見路旁餘薪爨灰知為中火之地 有岐磷峰直上又有大道則溯溪而東時溪漲路海板 南塢甚香循北嶺東向行一里忽聞溪聲沸然又南下 之因坐飯橋上久之不得過者乃南越橋行仰見橋南 從其東一里下峽始得石路逸運南向平下二里俯見 西南之从何洩當亦自出入於竅穴中者欲候行人問 抵塢中一溪自東而西有石梁跨之溪中水頗大而甚

其從何流也又南二里轉而東循北嶺南崖東向行亦 甚逼路舍之南半里復循南军南麓轉而西向入塢一 東麓轉而南隔塢東望溪自東北峽中破崖而出其內 為徑直云由嶺南行西職塢甚深而等家泉沸亦不辨 由嶺上南去此即橋南直蹄之歧瑜高嶺而下者較此 里塢窮遂西上嶺一里踰嶺頭始見有路自北來合并 南客之麓行念自金雞山東上一路所上者少而下者 无幾此溪雖流塢中猶是山巔之水也東一里循南奉

一次定四車全書

徐霞客遊記

翁一里踰之而東則東有深峽下嵌惟聞水聲沟湧而 東有場南北闢乃北轉循西山行場上一里塢窮從塢 北平轉踰東嶺之東共二里有數家在路北坡問曰界 與南山下夾成塢下賦深密與西塢同東五里其場漸 頭寨以羅平村落東止於此也又東行岡上二里再上 北一里度一春其春東西度從其東復上有一里則有 與西塢並始知山從東環場乃西下者又東向瑜岡東 不見水從貧上轉而南行東瞰東界山麓石崖懸峭時

次已日草 A 得拾級云北徑矗崖下半里下駒江流破崖忽湧勢若 矗立插天與東崖隔江對峙其崖乃上下二層向行其 曲西南破壁去隔江有茅兩三點倚崖而居乃東向拾 突於松梢等影中而不知西界所行之下其崖更聳也 上止見上崖而不得下見亦不得下達故必迂而南乃 為穿崖峭壁極危峻之勢焉從此瞅東崖之下江流轉 南行一里始沿崖南下又一里仰見路西之奉亦變而 級直下一里職江甚近而猶未至也轉而北始見西崖 徐霞客遊記

·暮雨止始有一人出曰江漲難渡須多人惨舟乃可不 過垂急為索錢計耳又久之以五人剗舟來復不近厓 里而會八達盤江者也羅平普安以此江為界亦遂為 滇東點西分界焉有舟在江東頻呼之莫為出渡者薄 至伊澤過東龍山後轉東南抵此即西南入峽又二百 萬馬之馳盖當暴張時也其水發源於師宗西南龍擴 北合陸凉諸水為蛇床河由龍甸及羅平舊州乃東北 涉水而上索錢盈壑乃以舟受已昏黑矣雨復淋

所中耳 急過索且恐是馬文所記地羊寒中一流人幸不為 門即東上嶺盖其江自北而南兩崖夾壁惟此西崖有 清截流東渡登厓入旅店店主他出其妻點而惡不止東 二十五日其婦平明始覓炊遲遲得餐雨時作時止出

欠モコレンシ

地東崖之南曲轉而存小塍過此江乃知步雄之地西

徐霞客進記

向入峽有小水自東峽來注故西崖之南江勒而无餘

線可下東崖有片隙可盧其南有山横列江折而西

北而下歷懸石披仄崿下抵石底踐流稍南復扳石隙 山嶺南行自西而東又五里則北山忽斷如中剖者下 頭遂與南山成南北兩界峽中深逼自東而西路循北 南隨此江其界更遠南抵廣南其界即盤江此統志所 千仭業翠披雲飛流濺沫真幽險之極觀逼仄之異境 上躋東崖由石底北望斷崖中剖對夾如一 云東入普安州境也步雄属貴盤旋東北共三里踰嶺 如深坑底有細流沿石底自北而寫於南峽路乃轉 線並起各

者又穿山腋問二里忽見數十家倚北塢問余覺有異 **酚岡而上二里一岐東南一岐直北顧奴前馳從東南** 无人行既而風馳雨驟雨人者勃率於深山僻徑中覺 欠巴马巨 白言 **長間有解語者問其名曰坡頭甸問去黃草壩曰尚五** 超問之則大路尚在北大山後此乃山中别聚見人張 樹影溪聲俱有靈幻之氣又三里度東脊稍轉而南復 南復有奉突起不沿南塢忽穿北坳矣時零雨間作路 也既上復循北嶺東行五里稍降行塢中二里于是路 T 徐武家追記

中叢茅盤谷間无片塍半椽也盤大山之東又上半里 里有两三家居北岡之上曰柳樹欲止而炊湯以飯而 忽見有峽東陸稍東南降半里平行大山東南支又見 者二里望北塢甚深而闢靈開樹妙每行視之惟見其 十里問北出大路若干里曰不一里盖其後有大山北 其西復有峽南陸已與大山東西隔雕矣降陟嶺塢十 北胶果一里而得大道遂從之緣大山之北而上直齊 列最高抱此甸而南若隔絕人境者隨其指喻衛之西

金げで元

Maletin

平而東北若深墜南北皆巨山而南山勢尤崇黑霧間時露農 余院污而炙之雖食无鹽即无草甚樂也 雨勢不止詢去黃草壩不及遂留止焉其人皆漢語居 其東又五里瑜岡而下塢忽東西大開其西南岡春甚 來橫渡之復東上坡宛轉翁坳五里有場在北坡下由 降坡循塢其塢猶西下者東三里塢窮有小水自北塢 二十六日平明起炊飯風霾飄雨余仍就火久之乃行 停之老陳姓甚貧而能重客一見報煨榾松以燎濕衣

次記四車全

徐霞客進記

南流者從嶺上轉南半里踰其西坳又俯見西山南向 東坳俯見東山南向列下界為峽其中泉聲轟轟想為 南竟場將防山坡上余覺其惧復返轍而北從大路東 路本正東去有岐南向崇山之脫顧奴前馳從之一里 列下界為峽其中泉聲轟轟想亦南流者蓋其東西皆 而下路從東南陟而上二里南穿山腋又東半里踰其; 行披茅履濕三里東竟塢有峰中時塢東塢從東北墜

嚴氣色場中无巨流亦无田塍居人一望皆深茅充塞

南一里下至塢中則塢乃度春雖不甚中萬而北面反 里有小水自東崖橫注西谷逐踞其上濯足而飯既飯 西南隆去路從其東北踰嶺一里半涉壑一里半登嶺 **禾成塍有小水自東北峽下注南有尖峰中突水從其** 下脊南峽南下甚逼中滿田禾透峽而出遂盤一壑豐 里塢將盡聞伐木聲則論材取薪者從其南漸北焉又 從塢上南行隔塢見西峰髙柯叢蔓蒙密无纖隙南二 有層戀夾谷而是山中懸其間遂從其西沿嶺南下二

钦定四庫全書

徐霞客進記

所出場為沙潤也由其前東下而復上又東南瑜一尚 突奉之南一里有數家倚北尚上是曰沙澗村始知前 鱗次黃雲被隴西瞻步雄止隔一嶺路從塢東上領轉 出峽有巨石拳突立東南水從場中直南去場中田塍 底東峽水西南注逐横涉之稍南又東峽一水自東而 而下共一里餘有溪自北而南較前諸流為大其上有 西注復横涉之二水遂合流南行路從澗東而南二里 又東俯有峽南下其中水聲甚急歷級直下一里抵場 **飲定四車全書** 截之坡東隙則叠石齊坡水胃其上南寫而下其水小 東行田塍間一里遂徑場而東有水自北場來石坡横 利俗諸艱楚一里東下又東南轉瑜一尚一里透峽出 滇點分界而水即殊狀即此處有石瀬而復發堰以補 自沙澗至此諸水俱清徹可愛非復潢汙渾濁之比豈 於西石梁之水然皆自北而南抵巴吉而入盤江者也 始見東小山南懸塢中其上室廬纍纍是為黄草壩乃 石梁跨之過梁復東上坡一里崗頭石齒紫泥滑潭廉 徐霞客遊記

家吴漢人男婦俱重客流醴俱俗云 者俱浣濯壩上亦就濯之污衣垢膝為之頓易乃東上 坡循堵垣而東有街横紫岡南然皆草房甲舍不甚整 夜彌甚衣被俱沾透焉 二十七日晨起雨猶不止旣而霽泥濘猶甚姑少想 日詢盤江曲折為明日行計乃匡坐作記簿暮復雨中 闢其北奉頂即土司黄氏之居在焉乃入息於吴氏之 其缺東上即為黃草壩管聚壩之得名宣以此即時想 大王日本人山 湯 徐茂客遊記 黃草壩東十五里為馬鼻河又東五十里抵龍光乃廣 **營以歸順為首而錢賦之數則推黃,草壩土地之,遠則** 黃草壩土司黃姓即衙乃普安十二管長官之属十二 **涔也是日此處馬場人集頗盛市中所出者无他異物** 西右江分界西二十里為步雄又西五十里抵江底乃 推步雄焉 惟黃蠟與細笋為多乃煨笋煮肉竟日守雨

二十八日晨雨不止衣濕難行俟炙衣而起終日雨涔

雲南羅平州分界南三十里為安障又南四十里抵巴 黄草壩東南由龍光第口者恐板屯壩樓已上俱安 龍 壤去普安二百二十里其地田塍中闢道路四達人民 吉乃雲南廣南府分界北三十里為豐塘又西二十里 殺四城以孫代署之 八蠟者鄉州地 下田州乃昔官自天啓初為部人所入蠟者鄉俱泗城下田州乃昔 抵碧峒乃雲南亦佐縣分界東西南三面與两異省錯 頗集可建一縣而土司恐奪其權州官恐分其利莫為

大半道路不通宴由於此 年大道自安龍无土官四城代署廣南以兵爭之據其 按盤江自八達與羅平巴澤河格巴吉與隆那貢俱安

俱為廣南有抵壩樓遂下八蠟者鄉又有一水自東北隆土司地今抵壩樓遂下八蠟者鄉又有一水自東北

來合土人以為即安南衛北盤江恐非是安南北盤合 城西北界山箐所出其非北盤可知也于是遂為右江 膽寒羅運白水河之流已東南下都泥由四城東北界 經那永順出羅木渡下遷江則此東北來之水自是四

次至四年公馬

徐霞客遊記

没听悉廢她見有府志可考 故廣南富州入廣西歸名民兵十五名把守後州治湮故廣南百户一員軍兵十五 金りとたとい 順 維摩州本州苦置乾海倒馬坡石天井阿九林甲等哨 按雲南抵廣西間道有三一在臨安府之東由阿迷州 右江之源其源惟北盤足以當之各不相紊也 二水一 再下又有廣南富州之水自者格亦安隆土司属 歷裏城地來合而下田州此水即志所稱南旺諸溪也 下雷而出賦伏下南寧此余初從左江取道至歸順 一出四城西北一出廣南之東皆右江之支而非 葛閬

三次至日本人上 今在阻塞南阻於阿迷之普富州之李沉小記 歸順 之交夷中阻於廣之蚕食田州之狂结北阻於下司之 羅平之東由黃草壩即此安隆壩之下田州出南寧者 羅木渡取道而入點滇者也是為北路一在普安之南 而阻於交夷者也是為南路一在平越府之南由獨山 得行者也是為中路中路為南盤入粤之會然此三路 余初徘徊於田州界上人皆不可行而候无同侶竟不 州豐寧上下司入廣西南升河池州出慶遠此余後從 徐贺客遊記

|粤西之安隆四城接壤然在黔曰籠在粤曰隆一音而 矣 黃草壩東百五十里為安籠所又東為新城所皆南與 然懷遠沙泥亦多黎人之恐且迂涉湖南又多歷一省 之異即按安庄之東大路所經亦有安籠箐山與安籠 各異字一處而各異其名何也豈兩名本同一字傳寫 惟東路由沅靖而越沙泥多黎人之恐州為今人所超 草竊八寨之伏恭既宦轍之不敢入亦商旅之莫能從

所相距四百里乃遠者同而近者異又何耶大抵點中 居聚雖遠而光景止與廣西府同也 府為滇中首郡而今為普氏所發凋敝未復人民雖多 名追東而居聚闌蘭又不及廣西府此府州營堡之異 也聞澂江府湖山最勝而居聚闌蘭亦讓廣西府臨安 黃草壩著名黔西而居聚闌蘭俱不及羅平州羅平著 之相近其取名必非二也 多籠字粤中多用隆字如歷安故各從其地而不知地

次定四車全

徐霞客进弘

占去八九矣土司糜爛人民乃其本性而紊極朝廷之安隆之地為土司度爛人民乃其本性而紊極朝廷之氏之岳安隆土司之紛爭於岑儂廣西府今廣南勢大步雄龍安隆土司之紛爭於岑儂岑為廣西泗城儂為 封疆不可長也 堡聚實秀為最盛皆以免於普禍也縣以江川為最凋 迤東之縣通海為最盛迤東之州石屏為最盛迤東之 蹂躙也若步雄之龍儂爭代黃草壩之被對於龍沙乃 州以師宗為最做堡聚以南莊諸處為最修皆為普所 諸夷種之苦於土司縻爛真是痛心疾首第勢為所壓

|炎定四軍全書 雄之江底東嶺其曲折雖同而无此逼削若溪渡之餘 所度諸山之險遠以羅平師宗界偏頭哨為最其次則 |夷風故勾引為易而遺孽亦非果有殷之頑田横之客 州之中道翁流家其深香雖同而無此崇監又次則步 也第跳梁伏莽之好籍口愚衆以行其狡猾耳 通海之津通關其儉峻雖同而無此荒寂再次則阿迷 以樂於反側者不過遺孽煽動其人不習漢語而素昵 生死惟命耳非真有戀主思舊之心牢不可破也其所 S 徐霞客進記

馬 莫如江底崖削九天堑嵌九地盤江朋圓之渡皆莫及 山惟多土故多壅流成海而流多渾濁惟撫仙粤山惟 窪為多點南之山則介於二者之間獨以逼聳見奇真 雜滇南之山皆土奉終繞間有級石亦十不一二故環 石故多穿穴之流而水悉澄清而點流亦介於二者之 學西之山有純石者有問石者各自分行獨挺不相混

次定四車全書 計其地北與慶遠境為對南與富州為對西與楊林為 則東西諸水所下巴吉之區北則今所入豐塘之路也 選望場外南山横 且最雄猶半 與雲氣相氤氲此 於南羣山散突小石峯或朝或拱參立前鴉中而 塢西則沙澗所從來之道東則馬鼻河所從出之峽南 即巴吉之東障盤江而南超者也塢中復四面開 遠東峰之南而孔入其塢竚而廻睇始見其前大塢開 二十九日晨雨霏霏旣飯辭主人行從街東南去半里 1 徐霞客追記

復西北上二里踰北坳從有春西北行途中忽雨忽雾 嚴嚴獨異其中有小水南來湖之北又二里循東本北 雕透之而西沿北嶺上西向行二里稍降防北塢一里 轉而西坳中有水自西來出坳下墜東塢坳上豐禾被 上踰春稍降防塢復上始見東塢馬共二里再上北坳 北則四川之重慶矣入北塢又半里其西本盤崖削石 對東與安籠所為對其選對者直東則專西之慶遠直 大抵雨多於日也稍降復盤涉其西坡两左右時有大

镇半里透春而出于是稍降從長峽中行西北三里復 宗然四山廻合方疑水從何出又西北一里忽見塢中 從西南二塢交注其間北向陸峽由塢東南降翁循塢 坎中陸如井此水之所入者矣從場右半里又西北陟 石上出嶺之西始見西塢中盤內皆嘉禾芃芃北有小 稍上始知此峽亦中窪而无下泄之道者也飯於路旁 窪旋峽共五里喻西坳而下又三里抵塢中聞水聲淙 山綰塢口廬舍懸其上曰豐塘東西南皆廻拳環之水

次至四年公馬

徐震客遊記

堅不能即至忽有負本三人從前嶺下問之乃知其非 隨之二里北出大路其人言分歧之處尚在嶺西此處 距二里餘往返既遥見南山有牧者急趨就之隔峰間 盤南山又疑為非往復數四其可以問而塢北居盧相 內道頗大以為是再上路分為二西者既漸小南者又 南盤南山北麓共二里北與館口廬舍隔塢相對見路 旁有岐南向入山疑為分歧之處過而復還始登見其 南岐乃南塢小路之入山者大路在西塢入也然此去

已不及黄泥河止可從碧峒托宿矣乃西向入場有小 水自西來路踰坡西上下而復陟三里踰坳坳不高而 接兩山之間為南山過北之春東水下豐塘西水合西 陟 镇南上為亦佐道遂南度塢路漸微深茅 覆水曲 里岐始西分沿北嶺西向出場為普安州道横度場南 見北界遥山橫亘蜿蜒天末此即亦字孔西南東轉之 磴敏坡无非行涤緣之南上坡一里西南盤嶺角始望 西北流俱入馬鼻者春西遥開塢直去循北嶺又西二

Kind Direct fright 1

徐贾客遊記

隨山麓西行三里塢直西去路西南截塢行塢東北界 其悮矣循磴西下復轉而南曲折一里抵山麓其麓復 里得石磴由脊南轉其脊茅深路曲非此石道余復疑 諸水入南盤者也又西南入峽一里餘復南躋嶺巔 犯界普安南北板橋諸水入北盤南界黃草壩馬鼻河 開大塢西去塢雖大皆荒茅盤結絕无禾塍人煙于是 巨箱森削中環一坐員匝合沓令人有四面芙蓉之想

脊從丹霞山東南逸運環狗場歸順二營以走安籠所

計己出峽口然已不辨為峽為坡亦不辨南向從何入 次定四軍全事 黑逼人惟暗中鄭躅三里忽聞大聲繼聞人語在路南 出其西長峽西去南北两界夾之甚選其中一望荒茅 陷棘刺中久之又半里乃得石徑入寨門則門閉久矣! 又半里大道似從西北而人聲在南從恭中橫赴之逐 而路復若斷若續上則重茅偃雨下則停漆盈蹊時昏 勝惴惴又西南一里穿峽春而過其脊中平而夾甚逼 惟瞑色欲合山雨復來而路絕茅深不知人煙何處不 徐震家追記

即在此北奉之麓為黄草壩西界與此蓋南北隔一場云 定問其地名即碧峒也為亦佐東北界問紅板橋何在 聽其春聲遥號呼之有應者久之有詢者又久之見有 入春者家炊粥院足雖擁青茅而卧猶幸得其所矣既 火影出又久之間啓內監門聲始得落外門入即隨火 徐霞客遊記卷六上

欽定四庫全書 徐霞客遊記卷六下 徐宏祖 撰

西南遊日記十雲南

九月初一日雨達旦不休起觀雨界山已出峽口碧峒 紅板橋為貴州界復去點而入滇高枕一宵矣就火山下其北山尚上復去點而入滇高枕一宵矣就人

炊飯欲行主人言此去黄泥河二十里水漲舟莫能渡

須少需之蓋是河東岸无居廬先有去者亦俱返候

次至四軍全馬

徐霞客避記

一百クモ 為街子貴州為傷雲南為候渡者多彼舟不得不至即 於此余見雨勢不止惮於往返乃掃剔戶地拭木版為 子亦同行也余不得已復從之匡坐如昨日就火煨粥 初二日雨仍達旦主人言今日張愈甚舟益難渡明日 几雨雖時止而簷低外寧不能舉首辨孝山也 畜馬西半主人之榻楊前就煨湿薪以無無北即所置 几匡坐做茅中冷則與夷婦同就濕焰一茅之中東半 凡地也 與楊相隔止一火夜則鋪茅以卧日則傍火隱 街子廣西為墟

北繞歸順狗場之間而東南下安籠所入廣西泗城春即轉為火燒亦字孔之南山東走而此轉經樂民言其水南下亦佐則明月所東火燒舖西乃為外水在其東火燒舖西嶺余前過明月所即平夷所詢土 久足可其 白 碧峒在亦佐縣東百里盖滇南勝境之界山南走東轉 包明月所之南横遇為火燒舖南山桜真南勝境乃 能忘高天厚地之靈佑哉 未死夫日中而完獸當道余夜行叢簿中而徼幸无恐 長幼俱遥應而馳詢之則豺狼來負羊也幸救者傷而 日三吸焉枯腸為潤當午雨少止忽聞西嶺喊聲寒中 係實客進記

旁一 碧峒北與新城遥對南與柳樹遥對此地又滇凸而東者 由亦字孔南東北繞樂民所北而轉安籠所下四城州 不以老春為界而以南支為界也的以老春則樂民 於江底又南盡於南盤之北馬是點界越老春之西南 境又東過思思府北東時為大 金グロだるヨピ 其口東度两分而已老者從此分為兩走正支東中尚有明月水出两界老者從此分為兩走正支東 真以老者東行而點 二江之界其海南勝境之南所度火燒舖 一支南下東轉而黔滇之界因之南抵北峒又南至 東滇盐縣 足 隘 明山 狗場管黃草壩 盡於溽 南山 州 者 Р'n 野 其

一里抵北山村麓有兩人耕於其下亟趨而問之尚隔 隨之二里峽中禾遂盈壠望北山岸畔有四五家懸坡 從小岐南上山悮西從大石徑行初有塢西北去以為 初三日子夜寒甚昧爽起雨仍不止既飯出寒門路當 自黄草壩至此米價最賤一升止三四文而已 碧峒寨有民哨其西為民寨即余所栖者 上相去尚一里而塢南絕遂乃养蒼橫涉其塢而西孔 狗場道隨石徑西南轉二里東界石山南去塢轉而西

次足日·自上山

徐霞客遊記

邊一牧馬者呼之即碧峒居停主人也問何以至此蓋 金げで近台書 黄泥河之道即從碧峒後東南踰嶺乃轉西峽正與此 前轉場處猶疑以為當從南峽入方惆悵无路忽見塢 處其人不告去乃返行泥塍間路條斷條續二里餘至 峽東界石山南北相隔但茅塞无路故必由碧峒始得 通行遂復二里餘返至碧峒西南傍其寨門東南踰 小溪其人輛牽牛避去余為停趾遂告以問道意其 人始指曰往黄泥河應從來處此誤矣再問以悮在何

樂民所明月所經狗場至此東南與蛇場河即此同下 一紫崖深香叵測直豺虎之窟也惴惴西下一里度壑又 有有快自南西陸而路則直西出坳半里始下又半里 たこう… ここ 衛而下一里東南徑場半里復上又半里又東南跡 泥河其河僅比瀘江水不潤而深不渾而急其源發於 中為當關之標由其北踰春而下時密雲釀雨見細等 抵西峽中遂由峽西行屢防尚窪三里有石峰踞峽之 二里忽有水自北峽出下嵌壑中繞東南而注是為黃 余夏衣追己

首,泥河聚落頗盛然皆草房其地四面環山而北即河 馬 中圍一壑而北拳獨稍開即黃泥河所環共一里餘於 抵板橋者乃知板橋亦四達之區也又西出峽見羣峰 寧天雨勸留莫前問馬場尚四十里度不能前遂停杖 聚落中是日為市時已散將盡入肆覓飯主人婦以地 上坡一里半逾貨物有岐自東南峽底來為入小寨而 江底而入盤江者也時有小舟縣西稍待之得渡遂西

泥其中多盤塢環流土膏豊沃為一方之冠亦佐之米 繞其後復東南帶之西又一小溪自西南峽來北注黄 而名亦佐為舊縣云 俱自此馬駝肩負而去前擬移縣於此至今稱為新縣 西峽二流之交馬于是随北峽溪又湖流半里乃西上 而南湖流半里入西峽入半里轉而北其處又有北峽 初四日晨起雨止而四山雲氣勃勃飯而行西半里度 木橋其下溪流自南而北即西小溪也又西上坡轉 余致客追见

趋狗場営者又西半里乃西上山其坡峻且滑无石級 夾拔削等雲氣罩其頂不能悉上躋二里漸入濃霧中 南北南乃入牛場村道有小奉駢立村隱其下焉北乃 里度一小橋橋下水北流乃南向西轉一里有歧交其 遂從奉頭穿峽上箐深霾黑咫尺不可見又一里陟其 可循有泥坎陷足升之極艱二里陟奉頭又平行峰頭 頂平行衛上又二里乃下下一里及西場防場而西一 山時東峰雲氣稍開乃賈勇上躋仰見西嶺最高上皆

動定匹庫全書 ■

本頭一樹如擎盖下有列石如錯屏乃就樹踞石而憩 次至日草 白 常已從北下始有石磴陡墜箐木叢水共一里半時塢 有水横緒於前以為溪也涉之不流乃壑底中窪之坑 乃稍平尖峰旁立若為讓道者西向平行塢中一里半 而西亦中窪之宕也半里又喻西坳出其極乃大開路 止聞飕飕滴歷之聲而目睫茫如也又西北平行一里 下眺嶺西深陸而下而杳不可見嶺峙而上而出没無 一里越其巔時濃霧成雨深茅交道四顧迷漫如海得 徐霞客遊記

為管瀰漫山谷香不可窮從來所入竹徑无此深家者 屢更三里踰峽南下其壑中開又為霧障止聞隔坡人 中通一路石徑透逸如披重雲而穿客幄也其竹大可 竹峽崇峰廻合紆夾萬下深篁密等蒙密不容旁入祗 蓄而成溪者又西二里復有一溪北流甚急波張水深 語聲然不辨其山形谷勢矣南行壑中一里轉而西坐 涉之没股焉又西一里乃飯於峽坡之下旣飯遂西入 自家家献客皆此物也客但出監渝之耳 其中坡陀其處名竹園等自黄泥河西抵馬場人人相其中坡陀

而傍北嶺行北屛時而南深墜又二里雨復大至適得 春者一里其 春南北俱深隆而下第霧漫莫悉端倪飥 **嶺上行路東則屏峙而上路西則深墜而下然皆深霧** 里又越一坳又半里徑峡而西抵危坡下復西向齊磴 羊塲四五家當嶺頭遂入宿焉其家竹牀竹戶煨換餉 所翳不能窮晰也南向平陟嶺上者三里轉而西行嶺 上于是家等仍紫夾壁懸峽間其陡削雖殊而深香 如前也板涉三里西踰嶺頭竹箐既盡循山南轉皆從

飲定四車全書

徐霞客進記

管安龍所桃花大道所出但尚頭无田其上皆耕崖鋤 落當嶺頭是曰水槽其處聚落頗盛夾道成衢乃狗場 简竟忘風雨之苦也 也十里見路北有深箐有歧從箐中升合併西去有聚 魔祇堪種栗想稻畦在深坑中霧翳不見也升 防鎖頭 枯底叢箐不一而足然路猶時時陟尚踰嶺下少上多 西雨旁多中窪下陷之穴或深墜无底或豬水成塘或 初五日夜雨仍達旦不休飯而行遂向南稍下已漸轉

奉四闢霧條開合日色山光遠近达換亦山中幻景也 北行積下一里而入亦佐縣東門城磚甃而城外草舍 既復西向喻嶺三里見嶺西窪中有水成塘乃循本西 行二里復踰坡而上一里稍下坡西塢中塢不深而廻 始歷級發而下遙望西塢甚深下箐中一里由峽底西 又四五里是曰水井其聚落與水槽同由其西一里半 こうこ 飯後半里出西門乃西北行計其地循羣奉之頂但四 三四家城中亦俱草舍求瓦房家家也一里炊於縣前

多定匹庫全書 再下有数家茅舍在焉然猶未瀕河流也又西半里涉 盤折西下三里抵坡而發盡復西北行坡問一里踰尚 南復起一山斜障而東此則障拐澤而東南合蛇床者也 其中焉其形勢雖見而河流猶深嵌不可窺西山崇列 西界崇峰並夾南北中關深壑而拐澤河自北而南徑 級而下時霧影亦開遂見西塢中懸東界所下之山與 山霧塞上下莫辨耳從嶺頭西北行二里乃西向歷峻| 如屏而南額尤高雲氣尚平抹其項不令盡露西山之

時暮色將至始以為既渡即有托宿處而荒崖峻板絕 黄泥河水而為江底河者也亦佐羅平南北東西二處 倍於黃泥河急流傾洞南奔東轉與蛇床合而東南會 俱以此為界西登涯涯岸崩頹扳躋而上遂西向陟翁 半里有渡舟當崩崖下渡之是河發源於平奏衛及白 水舖以東滇南勝境以西皆注焉其勢半於江底而兩 東來小水乃抵河岸湖之北又涉一東北來小水約 一人登登不已幕雨復來五里遇一人趋渡甚急問 余寶不至已

北二里瑜一崗坪間有墟地一方則難場是也從如北 復西北上漸露昨所望屛列崇奉在西南而路盤其東 雞場東村此則雞場西村矣從村北行其峽西墜處有 稍下又得數家之聚焉問之亦雞場也盖昨所宿者為 里而得數家之聚焉亟投煨揆暮色已合而雨復徹夜 蹶轉向西南上五里瑜坳而西乃轉北行峽中稍降二 之曰此無托宿處雞場雖遇亟趨猶可及也乃胃雨竭 初六日晨起雨止四山猶氤氲不出既飯稍西下渡窪

欽定匹庫全書

度之者越有西下一里抵盤堅中見秋花懸隙細流紫 水將南流而不意亦俱中窪之穴也南行三里復踰春 所從去也乃随場南轉場東西山分两界余以為場中 脫似有耕雲熊石之栖在西奉後循其東南塢則大路 磴遂成一幽異之境西一里有山横披壑西透其西孔 日景燒發東瞻羣峰吐穎衆壑盤空皆昨所從冥漢中 西北踰有盤折石磴西北上二里而其顛則夙霧頓開 石峯屼立路從其北踰春稍東轉而北陟塢共三里遂

こくこのき シュー

徐霞客也記

又西行两陟岡塢共三里始沙一南流小水至此俱行之 向山遥豁而路則循山西北向行矣四里復北向踰岡 了人 又西瑜一岡一里南望江南一拳西闢洞門高 行塢中一里餘又直造其下則亦中窪之峽也由其南 轉而西下望西北塢中有石壁下嵌不辨其底已而降 有岐自東南峽來合同之又西一里乃轉北下于是西 其處山脊凑合岡峽縱橫而森石尤多娟麗又西一里 而上遂西轉盤横披之南脊焉一里循横披南崖而西

舒定四库 全書

たこうき こう 湯餐飯而濕木難燃久之乃西向行渡西北峽石山小 羅平之道自塢中東南來北東西三面俱會其水南墜 行大脊也村多木皮覆屋以代茅時日已午就村舎淪 懸其門有木橫列而下隔一峽遙睇无路遂不及迁入 水一里陟西塢而上又一里踰岡而西見西塢自西而 又半里又涉一南流小水西踰一岡共二里而抵桃源 入崖洞而南洩於蛇場江故知拐澤西岸崇山猶非南 村其村百家之聚與水槽相似倚兆山而居前有深塢 Ţ 徐霞客遊記

當場而居始見溪水自西來從其村西環其村北又繞 聲潺湲矣由其北湖之西行又一里見塢中又有一村 場倚南崖而居繞村西行始見場中溪行曲折且開溪 之崖北置木橋以渡其水不甚大而清徹不汨為清水 其東其村中懸其北曲中一溪而三面環之南倚南小 多好四库全書 豬濁水皆似止而不行者又西一里瑜岡西下有村當 峥峥然猶未見溪流也塢中雖漩窪成塘或滙成流或 東其南有小山蜿蜒亦自西而東界之其山時露石骨 卷六下

欽定四庫全書 容故清水溝中居民夾塢至此而止以塢中有水可耕 乾以待營者又西二里直逼西山之麓有村倚之為廻 餘人各捆負竹筍而出蓋土人犀而入等採歸淡薰為 峽來南注於清水海路截而踰之也北峽中男婦二十 **駝鹽之間道也又西二里始瑜坡涉澗屡有小水自北** 里經一村曰小板村有稅司在焉蓋羅平北境為桃花 南去者也又西一里復過一村其村始在塢北又西一 海云盖發源於西山之廻坎坡經此而東出於桃源始 F 1 徐俊客遊記

亘而南北两界遥夾之南山早伏而北山高聳暮雲 復勃勃籠北崙上流泉亦屢屢自北注南第南山之麓 是而止馬瑜脊西漸轉而西行場中其塢東西直 分十八寨永安哨江底河諸派者也而羅平之界亦至 乃北自白水舖西直南度此廻環西南而峙為大龜以 之與而過蹋嶺一里半西防衛脊是脊始為分水之處 清水溝上流之源矣度之即西上嶺嶺頭有索哨者不 也由此西南半里過一小橋其水自西北沿山而來即

必西流矣場中皆荒茅斷魔寂无人煙西行六里其西 有山横列塢口塢始墜而西下有茅舍兩三家依塢而 一里而馬場之聚當嶺頭所投宿者乃新至之家百无 即隨西山南向隨流半里轉而西上嶺暮色合矣又上 溪自孔峽來小石梁跨之其水南注塢口而去既度梁 與茅舍對想亦哨守之處也又西一里稍下有小水成 栖路乃喻塢循北山而西半里有茅亭一龕當路旁南 似有陸澗横其北然不辨其為東為西以意度之以為

次定四車全書 T

徐實客遊記

去乃西截北來塢半里抵北來之溪有新建石梁跨之 家之聚田禾四遠此溪徑塢環之其塢自北山隨坡南 下有水自北而南與此水同會於村北合而西南破峽 南蓋其下亦有場西通者西馳四里始與溪近隨流稍 示机而去於是西北隨坡平下其路甚坦而種蘇滿坡 南半里復循坡西轉又一里下坡西望西南塢中有數 初七日晨起雲氣氤氲飯而行有索哨者還宿處解囊 具時日暮不暇他徒煨濕新卧濕草枕中就枕而已 次定四車全書 |流三倍於西來之水固知北塢之源遠於東兵踰橋西 故西自此塢東抵廻窗西山皆属之陸凉其處南抵陸 而上而陸凉之界又西盡於此矣蓋因其水南下陸凉 西下截塢半里在村北又半里抵西界崇山下遂躡峻 家焉亦陸凉属也其塢亦自北而南雖有村而无流路 即此上貧西向直蹄甚峻一里半瑜其春又西向平下 里有歧隨岡南去者陸凉道也岡西塢中復有數 徐 實客遊記

為獨木橋想昔乃獨木今雖石而猶仍舊名也橋下溪

共七里望見南坪有數十家之聚北奉則危聳獨懸蓋 屢平峻者削崖盤磴平者曲折逶迤三峻而三踰嶺頭 地東自此嶺而西抵箐口焉東與亦佐西界中隔羅平 自馬場而西即望見選崙尖削特出衆奉之上而不意 陸凉二州之地間錯其間不接壤也从東麓西上屢峻 草壩者右丞姓龍或日即姓海在此而居近越州左右二丞皆土司左丞姓沙在本縣即與步雄攻黃其 又為海崖属乃亦佐縣右縣丞土司龍姓者所轄亦佐 凉衛路經失山天生橋相距尚八十里也由西嶺而

界既豁遠燉前環此獨木諸所遇帶而下洩者西南有 一奉下伏如硫即遠而廻宮老春亦不能上與之抗惟 拐 等盤錯遠雖莫抗而近多自障焉其南則支條直走近 二奉選凑如眉中分此盤江之所由南注者即其西即 接於西南巨奉此東顧之極觀也其西則亂奉廻卷叢 澤雞場西街遙相頡頏其中翡翠層層皆南環西轉而 直逼其下也又一里梯石懸磴西北抵危奉前其時麗 日轉程碧天如洗泉峰盡出而是山最高不特獨木西

钦定四事全書 一

徐霞客遊記

南轉二里復踰一脊又西度一中懸之尚有索哨者不 亘其外石痕木 陰映彩流霞令人神骨俱醒由横岡西 婆娑其上亦高崖所僅見者由此歷級西下一里有壑 行矣由莽西瑜脊稍下即有石坡斜懸平度破峙古木 員若團蓋此即大龜山之特峙於陸凉路南師宗彌勒 越州所倚而東奉之外復有一本高懸其南浮青上聳 廻環中窪四合復有中懸之臺平瞰其中夾坑之崗橫 四州之交者即天南諸奉悉其支庶而此奉又其伯仲

ととしてノ

一索哨者亦不顧而去想皆所云海崖土司者瑜脊又不 盤有見西南路稍大從之一里得數家當有頭其茅舍 江之流自西北注東南而去來猶不能盡賜焉西向拾 低隘牛畜雜處其中男子皆出婦人养不解語索炊具 能西見盤江又西半里西障始盡下界遥開瞥然見盤 上踰崗西復平行嶺上半里有岐一直西下坑一西南 級直下一里抵塢中又西半里循西山南轉半里復稍 **顧而去度岡而西一里復上坡又一里西踰其監復有**

たこうき とこう

徐雯客追記

土

成盤壑而壑南復有尚焉從中亘者馳而西一里復西 流南注而不知其場亦中窪也揚中横亘一尚南北俱 上坡又一里防坡之脊從脊西下三里連越兩坡 遂盤東山北轉一里始横截北來之場余始謂塢中當有 之處矣又西一里飯於樹下又西馳七里始有塢北來 多近四月全書 西北下衛始甚峻一里轉西漸夷皆車道平拓无齟齬 西南去為越州道從此西北下即越州属為曲靖道遂 无有應者是即所謂箐口也海崖之界於此止焉由問頭

準焉西下坡又有一場自孔而南南環為大塢與東界 也而東奉之外浮青直對則大龜之奉正與此南北相 其大如甌味鬆脆而核甚小乃種之絕勝者聞此中有 上横小橋西渡有一老持筐賣梨於其側一錢得三枚 連窪之搗合比塢始有細流中貫獨得夾塢成畦焉流 流通焉從坡上西北望則龍潭之山自北分突屛列而 西此近山也西南望則州越南嶺隔山進障所謂西本 徐霞容遊記

始見場自北來向南去其中皆員窪注水有岡中間不

甚深為蛟龍之窟即所謂曲靖東山之東峽也其山北 復茅舍矣龍塘河之水發源於東北山映中其處環潭 自白水舖西分水嶺分支南下亘曲晴之東故曰東小 水遇隨之既乃截塢而西又半里始與龍塘河遇有大 澗形而不見水乃西下坡約半里隨塢出西南先與一小 **木爪梨豈即此即西上一同平行岡上四里直抵西崙** 石梁跨其上橋右村廬纍纍倚西山而居始皆五房非 下則有為隨其麓而深澗濛之所謂龍塘河也然但見

夜幸免豈此問行東西夾山而居者甚衆反有賊當道 由村西上坡即東山之南盡處也二里瑜岡頭方路石 日方下午前終日馳无人之境皆豺狼魑魅之窟而深 方有盗劫人母往也已而其婦後至所語亦然而仰視 中為間木山東脫之中為龍潭即此水之所出矣自等 少憩忽一人自西嶺馳來謂余曰可亟還下山宿前嶺 而由此視之則為西嶺焉南至此瀕河而止其西腋之 口西下塢中即為越州属至此西止而田疇悉環聚焉 余好客造巴

言又思果有之今白日返宿明日又孰保其不至即况 余夫婦得迂道來耳余疑此人欲訴余還宿故托為此 所勒轉而東流遂截此山南麓而斷之故下皆岨晤路 既却人彼必无復待之理不若即即而去也遂此顧僕 其山下陸之峽而盤江自橋頭南下為越州後横亘山 行即從岡上盤北山而西蓋北即東山南下之頂南即 横駕須上四里抵其中旁賜北嶺石參差而岫兀変覺 即因話之曰既有賊汝何得至其人曰彼方剥行者衣

欽定匹庫全書

品惟是風寫驚心不能押想而徐賞之亡何已下見西 復行走隴逐多聚廬之居又一里路北江廻堰曲中 從石瓣中宛轉取道其石質幻而色異片片皆英山絕 石骨露其中如裂辨綴行其隆處皆流土不可著足必 雲影風枝无非惴人之具令人錯顧不定投指莫擇 少憩竟作青蓮辦中人矣從石中下者一里既及西麓 坞南流之江知去橋頭不遠可免於虎口矣乃倚石隙 一西四里始西南下片石中其處土傾峽陸崩嵌交錯而 徐霞客遊記

地過畏途就安盧樂甚問主人有上有樂人者果有之 宿於逆旅即昔之所過石堡村也適夜色已瞑明月在 靖之東直南至此是橋為曲靖鎖鑰江出此即東南流 乎主人曰即余鄰人下午樵於山數賊自山後躍出剥 繞越州之東而南入峽焉踰梁而西約半里上坡北而 石梁其梁不高而長是為南盤之源北自炎方交水曲 則江流所洩而石梁横跨之者也又行畦間半里始及 一圍四面豐禾環之東倚精廬高倚東山之麓西

多分四库 全書

老六下

三人衣而碎一人首與君來時相後先也余于是始凛 上两旁復磚發雨池夾之北有樹三楹水從其下來中 |鬱然四起也半里入園垣之戸則一加中貯有亭覆其 然快還欣然幸深感前止宿者之厚情而不當以私衷 之界互相推委盗遂得而乘之耳 臆度之也蓋是嶺東為越州西為石堡乃曲靖衛屯軍 初八日昧爽飯復索酒而酌為浴泉計遂由村後越坡 西下則温泉在望矣場中蒸氣氤氲隨流東下田畦間

熱燥膚較之前浴時覺甚烈既而温調適體殊勝獨勒 亦如浮雲不知兩界青山見慣祖當誰左也飯於題肆 高幢大纛推騎如雲南馳而去余避道旁际之如赫電 十里入曲靖南門時有戈泰游者奉按君命処諸城堡 是日碧天如濯明晶然騰翠微而出浩波映甚下對之 **新定匹庫全書** 覺塵樣邊派如在冰壺玉鐵中北行十里過南城又二 之太凉而清列亦過之浴罷由垣後東向半里出大道 間一孔方徑尺可掬而監也遂解衣就中池浴初下其

培樓高僅大餘大不及五丈上建大殿前列層樓配之 之右有三層樓皆異於培樓之旁而齊其末者徒倚久 至避茅簷下水霰交加廻風湧之撲人衣面莫可掩蔽 之出寺右循然而北五里出演武場大道又三里過白 置宏鐘焉鐘之大余所未見也正殿之左有藏經閣殿 中出東門半里入東山寺是名青龍山而是无山郭東 久之乃霽仍北行潭滑不可著足十里抵交水入南門 石江又二里過一坡又十里抵新橋殷雷轟然大雨忽

飲定四庫全書 而卧 初十日寒甚止寓中終日陰翳下午復有零雨飲而徹 日日攀齊崇峻不少也下午主人攜菊其酌不覺商然 重九高風鼓寒以登高之候而獨作表安僵卧之態以 聖入其后樓而憩焉雪益惟土司居州治而 之叩而知方演剧於內也余以足況衣垢不樂觀 初九日子倦於行役憩其樓不出作數日游記是日為 由霑益州署前抵東門投舊邸襲起潜家見其門閉異 STATE OF THE PERSON OF THE PER

其巔西行有頭者又一里乃下初從有頭下嚴西塢有 從西北峽中來路乃從西南峽中入一里登嶺一里陟 遂由歧湖流西南行二里抵西南小山下石撞之水乃 十一日余欲行主人以雨留復為强駐厭其酒脯焉予 十二日主人情篤候飯而行已上午矣十里仍抵新橋 晰皆整鑿可據遂圖反轅由尋甸趙省城焉 初欲從雪益併窮北盤源委至交水起潜為予談之甚 係霞客遊記

上流渡而夾攻之著之青史為不世勲而不知與坳堂 奉諸澗之流皆為白石江上流之源矣源短流微潔帶 不過數里之內而沐西平曲靖之捷誇為胃霧涉江自 東而出於白石江者詢是村為戈家冲由是而西併翠 四里越劉家披則翠本山在望矣蓋此山即兩旁中界 无異也徵事考定書之不足盡信如此于是盤折坂谷 下者又一里抵塢中則其水反西南流當由南谷中轉 廬有疇有水瀠之以為必自西而東注石幢者迤進西

卷六下

こうこうこ ノニュ 者由廻容坡西嶺西南時為大龜山而盡於盤江南曲 之脊南自宜良分支北度木容等又北而度火燒等有 西南分支者盡於曲清東山其東南之水下為白石江 盡於海州旁枝西南由白水西分水嶺又分兩支直南 間南走東折下安籠所入四城州而東峙為大明山遂 而南下時為黑山分為兩支正支由火燒舖明月所之 山繞交水之西北經炎方又北抵雷益州南轉東復折 又北度响水西省又北而結為此山又西夾時為理龍 徐霞客遊記

若續若斷横截塢壠三里有大道自東南來則自曲靖 為北盤江焉然則一山而東出為南盤西出為北盤惟 東北之水下為石幢河而西洩於馬龍之江而出尋甸 所稱悉惧也由劉家坡西南從坡上行一里追及一嫗 三車道從此直西湖小水西南岸入為翠峯間道其路 此山及炎方足以當之若曲精東山則旁枝錯出而志 乃翠奉山下横山屯人也隨之又西一里乃下坡徑塢 里有小水自西北來小石梁跨之從此西南上坡為

二里将抵翠奉下復從小徑西南度雕風雨忽至頃刻 皆徐姓老嫗命其子從村後送余入山半里抵其麓即 絕頂垂兩支如環臂東下北支長則繚繞而前為新橋 有两小澗合流涉其北來者湖其西來者遂躡峻西上 而過一里下坡涉深潤又西上坡半里抵横山屯其屯 登山之徑也于是東南望見三車市 美遂從大道 西行 西岡之脉南支短即所躡以上者兩臂之内又中懸一 一里半盤嶺頭而北轉入西峽中則山之半矣其山自

一見即為余鼓火炊飯余乃更衣叩佛即乘問而前東 又與南臂環阿成峽自峰頂逼削而下則該國舊寺倚 ,其間自西峽入半里先達舊寺然後東轉上朝陽以舊 支當指若臺之時則朝陽養踞其上養東北向其南脫 **卸灾匹庫全書** 舊寺見正殿亦整其後危崖廻峭藤木倒垂於其上而 寺前陸峽下塹也舊寺兩崖壁夾而陰森其病在旁无 殿前两相甚巨夾立参天寺中止一僧乃寄錫殿中者 餘地朝陽孤臺中級而軒朗所短在前少廻環余先入

· 迫庭前有桂花一樹幽香飄動遠襲山谷余前隔峽盤 登朝陽一頭陀方曳杖出巷門余入其巷亦別無一僧 桂芳前艶念此幽境恨无一僧可托還飯舊寺即欲登 續即噴而異之以為天香選墜而不意乃敷**善**所成也 之奪艶乃子種而非根分此其異於諸菊者前樓亦幽 止有讀書者數人在東樓余叩佛畢閉步前庭庭中有 頂為行計見炊飯僧感勤整的雖瓶无餘栗豆无餘流 西番菊两株其花大如盤簇辦無心赤光燦爛黃菊為 ないえいからり

一飲定匹庫全書 中有一僧損口苦體以供大衆有子衣者報復子人有 於此欲靜修三年百日始一下山其形短小而目有風 奉客始知即為淡齋師也先是横山屯老嫗為余言山 癢之疾苦行勤修世所未有余見之方不恐去而飯未 川人長於姚安寄錫於此已期年矣發願淡齊供我而 師不對余內眼不知即師也師號大乘年甫四十切為 的食者已不鹽不油惟恐我口弗適余初至此即訊之 殊有割指啖客之意心異之及飯則已不読而止以読

とこうと ここ 為曲請東山寺住持避嚣於此亦非此巷主僧也此巷 見余曰君尚在此何不過我我猶可為君一日供不必 甚余宿前楹師獨正殿無具無龜徹夜禪那不休 畢大雨如注其勢不已師留止宿余遂停憩焉是夜寒 敢此也遂挾余過朝陽共煨火具餐師號總持馬龍人 强余餐忽有一頭陀入視即昨朝陽入卷時曳杖而入者 **赐炊粥為晨湌師復即另爨為飯上午雨止恐余行復** 十三日達旦雨不止大乗師復留想乐見其瓶粟將盡 徐霞客遊記

高層語 MEST THE TOTAL TOTAL TOTAL TO M ENTER THE TOTAL TOTAL

南太康人曾中甲科為侍御嘉靖甲子駐錫翠峰萬思 朝陽巷則劉九巷大師所開建者碑言師名明玄本河 自言其先世為姑蘇吳縣籍與余同姓昔年朝海過吳 門山塘徐氏欲留之放生池師不果而歸今年已六十 三矣是夜宿其西樓寒更甚而夜雨復潺潺 而无餘貨總持靜修而能樽節亦空山兩勝侣也已而 并不知返盖皆蠢蠢世法佛法一无少解者大乘精進 主僧曰瑞空昨與舊寺主僧俱入郡瑞空歸而舊寺僧 Contact Library Control Transport

多近四库全書

取不曰為 翠峯山在曲靖西北交水西南各三十里在馬龍西四 步也 卷后師入涅槃陳軍門命以儒禮盡於卷之東原計 庚子有征播之役軍門陳用賓過此處師德行為建此 欠巴马声 八二 他承汝侍 四日雨竟日不霽峭寒砭骨惟閉門向火不能移 核以自誣割曰天下事枉者多矣乃棄官雖各料刑之門子懼刑遂妄承之問核何在門人何竊挑門子不承嚇之曰此處豈沒有他人以御出巡索置二桃為鼠所竊劉窺見之佯試 徐霞客遊記 おはは日のかけるかでは日本の日本のは、「これのは、「これのこれではない」、これのはは、「これのはない」 ŧ **於復汝**

需益州土知州安邊者舊土官安遠之第兄終而弟及 者也與四州烏撒府土官安孝良接壤而復同宗水西 金分四月至書 水西邦彦杨留之當事者即命奇禄代署州事并以上 撒之職次子奇禄則土舍也軍門謝命雪益安邊往諭 安邦彦之叛孝良與之同逆未幾死其長子奇爵襲鳥 曲靖者本唐之曲州靖州也合其地置府而名亦因之 十里秀拔為此中之冠 **剛後水西出邊奉旨仍掌雲益奇禄不得已還其位而**

次官四事在馬 桓不安為未定之局云 事當道俱翕然從之獨狼府沐曰邊雖上司亦世臣也 金去或日彩受當道意指為奇禄地也奇禄遂復專州 忠順而竒禄狡猾能結當道数今年三月何天衛命把 下午飯後余何雨稍息遂從朝陽右登頂西上半里右 况受特命宣可殺之而不問故至今九月問雲益復机 総羅彩以兵助守雪益彩竟乗機殺邊并挈其貨二千 奇禄有為撒之援安邊勢孤莫助雄虚名而已然邊寔

徐霞客遊記

堂顔曰恍入九天又南上共半里而入翠和宫則此山 而下即河橋石幢河之源也南向板嶺春而登遇一虚 **莽高時上亦有卷曰盤龍卷與翠奉東西駢時夾北塢** 後脇西眺絕頂之下護國後等之上又有一卷焉前臨 而過先上絕頂又西半里斷北嶺望見後數里外復一 危等後倚峭奉有護國之幽而无其逼有朝陽之豈而 瞅夾中 該國寺下嵌 军口左瞻尚上八角巷上路朝陽 无其孤為此中正地是為金龍養時霏雨復來俱當岐

金グドアノコー

TREDIE LILI 水分之界盤南面入北盤 其脉南自响水坳西平度 由响水坳西獨西下馬龍出尋甸矣始信是頂為三面 在東山與此隔海子而遙對然東山雖大而非正脉而 之絕頂也翠峰為曲靖名峰而不著於統志如間水之 而時為此奉即西度盤龍其水遂南北異流南者從西 疑是奉猶非正春及登頂而後知正南下墜之峽則南 猶東下新橋而朝陽該國是军東麓之水又俱注白石 此奉則為两江之鼻焉余初見西塢與廻龍夾北之水 徐殿客苑記

大器由南場西下為尋甸問道余擬明日從之去者遂 齊與雨漸合遂復半里東還朝陽欲下護國看大乗師 所建今天則入省為地藏寺而其徒名哲主之肅容具 新數十本放霜含雨幽景凄絶是巷為山東老僧天則 東南下由靈官廟東轉半里入金龍養養頗整潔庭中 翠和頂高茶哨两老僧閉門煨火四顧霧幞峰獅器瞰 金牙正母全書 雨滑不能敞之而過 轉北北者從東轉南兩盤之交錯其源度分於此云 卷六下

亘而北始東 涯炎方之水又北始轉度雪益之南 為焉 曲靖盤龍之西又南曲一支始東下而結為交水又横 東西並夾而翠奉之南响水坳之支横列東下而結為 眺 影余遂乗與往看大乗大乗復固留時天色忽霽余欲 中度屢伏屢起非直旦之春也惟翠奉與盤龍二奉乃 行而度不及好期之晚過為明日早行計乃復上頂環 十五日達旦雨止而雲氣靉靆余復止不行日當午獻 四圍遠莽俱出始斯是山之脉俱東西横列而脉從 **全夏弘隆記**

一分定正庫全書 十六日阻雨 十七日雨復達旦飯後欲行總持謂雨且復至已而果 合 是日以嚴江萬明二處求兆於翠和靈籤嚴江得貴 從奉南下又還過八角卷仍逐冷於朝陽為絕持所 不得入護國 春欲放花皆吉北也寫計明日可早行既暮而雨夏明時枯木皆吉北也寫計明日可早行既暮而雨夏)復中霧旣乃大注傾盆倒峽更甚於昨

撫獨 師守 郡 復問前程矣 臺清道周 尊事逮繫桁楊甚苦因筆記之 九日晦雨仍如昨復阻不行滑疾閉該總持昔以 **閃爍之影** 為質王之行之 日徹夜徹旦點不少輟前二日俱午刻朗然而 完坐伉意請相 之以羅而之石 而重織周撿片 去班无復藏人云周迹不延由 併无之而冷且更甚惟就榾揆作 遂免候鄉 誣揚甚薦 師其客權 除瘦客遊記 往波迤守 還于東曲之 為是巡靖唐東 交悉守以巡山通側以清撫寺 賄目下直所昔 Ī 略之諸聞請有以中僚慕歸藏 經傷皆總者經 尾於有持郡乃

夾朝陽者太平老僧煮芋煨栗以鉤 數十步東峽中一巷當峽是曰太平巷蓋與護國東西 錫定匹庫全書 者耳既別仍上護國後夾箐中觀龍潭潭小而流不竭 二十一日晦冥終日迨夜復雨是日下午散步朝陽東 久上午乃行抱持復贈之以米恐途中雨後一時无宿 二十二日晨起晦冥然决去之念已不可止矣待飯甚 雨聲復瑟瑟達夜而更甚焉 二十日夜不聞簷溜晨起而霧復成及午大霽追暮而

大足り早 八六 下尚有歧從場中西南去為小徑可南達雞頭村從尚 遂西上踰嶺循翠和宫之後一里餘又踰嶺而南下 雨 盖金龍巷下夾壁終中之液雖不竭而非涵豬之窟也 上西北轉為大徑乃駐馬所行者初交水主人謂予有 又涉塢而西一里又有村在坡間是為高坡村由村後 有村當塢中溪流自塢直南去路由村西轉北行半里 入山夾則盤龍所登之道也仍出從大道西南行二里 猶霏霏不已半里及塢中又一里有歧北轉候從之漸 徐宣客在記 Ŧ

CONTRACTOR OF STATE AND SECURIOR OF STATE OF STA

余乃從駝銅路轉西北循崗三里西北遇一春其春乃自 見有村人自山中自薪來呼而問之則指從北不從南 大道及余不趨响水而登翠奉問問道於山僧俱云山 質之途人亦多主其說然見所云徑路反大而所云往 後雖即駝銅道然路錯難行須仍出雞頭為便至是余 銅騎之所出无同之旅不可獨去須從响水走雞頭 問道自尋甸出交水甚近但其徑多錯乃近日東川駝 (頭大路者反小甚心感之曰以村人為卜然已過村 村村

盤龍南度者余初以為分支南下而不意乃正脉之曲 欠こりを こう 其時天色已漸霽无復晦暝之色遠峰近峽環瞩在望 深墜北向一里餘復濟一坡一里餘又北度一看其春 日間兩度之矣從物西隨南峰之上盤腰曲屈其坑皆 折而南盖自翠奉度其北去者此又度其南一春而半 北又從有頭駢本高聳各極嵯城始意是山之春又直 出物西見春東所上者甚平而春西則下陸深曲春南 平豆於南北之中者于是又一里再躋北嶺始西北下 徐霞宏遊記

奉弟見其西過盤龍不至此又安知其南由堰口耶前 多分四月全書 其溪中流湯湯猶倍於白石江源也又南上坡一里是 龍脊進原之異直左之右之矣下塢南行二里遂横涉 之為指南者不曰雞頭即曰桃源余乃漫隨馬踩再歷 所過之者果又曲而南過堰口當又曲而北余前登翠 問其所從來則堰口也問其地何名則東街子也始信 二里下西塢其塢自南而北其中黃雲盤雕村落連錯 溪中貫之問其水之所從出則仍從新橋石幢河也

數里之內凡三曲焉余一日三過之何遇之勤而奏曲 之不遺耶從有西防塢其水遂南流一里又北轉踰有 峽天色亦漸霽四里從有上北轉則北峽之窮隆處又 自盤龍南走高坡又南至此始轉而北其東西相距 亦分歧來一自北峽一自西峽余渡其北來者遂西入 陰雨復合其處有歧北入山為麥冲道余西向行其溪 為堰口聚落數十家在溪北崗上乃入炊久之飯而行 里復瑜翁而西是有自木容等楊金山北走翠奉復 余人に生己

豐未被塢其處為平夷之屯據土人言自堰口之北免 來之道遂循其塢轉而西南行二里抵新屯廬舍夾道 為酒家越亦土首之姓乃一里徑捣登岡由酒家西向 屯属平夷而糧則寄於馬龍自一碗冲之西抵魯石屯 街子屯属平夷而糧則寄於南寧自洒家之西抵三車 成畦路當從畦隨流西去而塢北有村落當北岡上是 里西北下山二里抵塢中隨小水北向出峽始有塢 里越雕西下有峽自北來小水從之是亦麥冲南

一 欽定匹庫全書

之莊也 官保免庄夾路成衛為村聚之最盛者此亦平夷屯官 瑜岡西南下二里復有一塢溪疇南環聚落北倚是為 錯於两府之交而為屯者也自屯西踰坡共一里餘過 分之春為界馬龍南寧以堰口老龍為界而平夷則中 属平夷而界則属於尋向盖尋甸曲靖以堰口老龍南 二十三日中夜聞隔户夜起者言明星娘娘雞鳴起飯 塢有二三家在西嶺其塢復自北而南由村南轉而 徐聖各姓記 孟

紫錯翠鋪丹令人恍然置身丹碧中一里餘漸盤而北 在西坡上是曰三車由其村後復踰南行一坡度南行 舒定匹库全書 里漸盤崖而上崖南峽中箐木森鬱微霜乍染標黃叠 两下兩度南去之塢两踰南行坡脊而西共五里有村 漸轉西行入峽平陟而上三里喻一坳脊遂西下兩上 仍濃陰也然四山無霧昧爽即行始由西南涉塢一 塢 度盤壑更覺深窍一里又循西夾上一里又踰 里半披西峽而入峽中水自西而東湖之行半 卷六丁 里

一里防谷西又南轉酚尚西下共一里度一峽想即一 「こうえ」ここ 類 体表な差記 涉塢再西共二里有峽甚逼隨峽西折而南行半里復 恐尚在翠奉之外豈東山間木之最高處即北望乃其 碗冲西向沒流之峽也又西北上坡其坡頗長一里防 其類東望所度諸有如屏層遠而直東一奉浮青遠出 冲而行嶺谷之上其嶺頗平南北皆塢而谷横其中共 脊為南行分称之最遠者東西皆其旁錯也由将西下 西踰嶺半里出嶺西始見嶺北有塢居廬崗上為一碗 두

南下遂循之行一里轉而西下有塢自北來頗巨横涉 其西塍泥污寧半里有大聚落在西坡下是為魯石哨 之其溪從西峽去路循西北坡上一里復西踰春環坡 從眷西向西北下塢約一里有溪始向西流横二松渡 本支尚高不容外瞩也由嶺南循坡西轉半里西度春 老春分支環於板橋諸處者不知此處何以反伏其春 分称處至是乃見廻支環壑而南望則東南最豁此正 其外亦有浮青特出遠甚當是路南市邑之間惟西則

我好四扇全書

卷六下

坡 立二里從南奉之北踰胶而西又一里始行北奉之南 してこうシュ ノ・・・・ 岡與北本隔塢相對有村居倚北本而懸塢北為郭 横行坡上一里又西向入峽其南有奉兴雄北有奉駢 里有北來之塢横度之义半里涉溪西上復西南上 燉北陷崩坑坑中有石幢則崩潰之餘也循坑西下 下峽中半里峽北忽下墜成坑路從南崖上行南聳危 里復踰岡頭轉而西南二里又西向踰春從春西 余段客遊記 走 立坡

其處已属尋甸而屯者猶平夷軍人也由村南西上

擴然直望有尖容最高遠挿天表余疑以為堯林山而 属於南北若當關之標路行坑上一里出去石奉之北 胶遂西向而下一里抵西壑則尖石崙之西崙矣南界 坑當坑之南横墜而西其西有尖奉純石而中突兩脏 多好四库全書 无可徵也度壑西轉二里越小溪橋有村在北龍回壁 上瞰駢奉之陰遂西半里踰岡從岡上平行有中空之 澗西登坡循西坡北行又與駢奉東西隔塢共二里北 始非平夷屯而為尋甸編戸由其西南下坡半里涉小 卷六下 ここういところ 崇奉其勢最雄亦最遠從屛峙之中有分列一支自西 南見天表高峰時已追及一老人問之果竟林也又西 城正托其物中由伏處入為東川道西踰分列之眷為 北走東南若八字然其交分之處山勢獨伏而尋甸郡 之為界者也其春屏時天際而西南與東北两頭各起 開望見南龍老春自西南横列而東北則東川尋甸倚 假由其西即板嶺北上旋踰坳而西一里復下涉壑又 里復入西峽躡峽而上半里踰嶺西西界選山始大 徐霞客遊記

當塢曰果壁外有石堰截流路由堰上涉水而西從平 商南下轉而西共二里有塢自北來溪流隨之內有村 廬當坡曰海桐由其南西度塢復上崗一里抵崗頭隨 統竟林之東馬龍水由中和北轉同趨而北皆隨此分 中有小水亦南行隨之西南又半里北塢廻環中有村 子則汪然可挹從此西下坡峻資豁一下二里抵其峽 嵩明并入省道循分列東麓而南為易龍道楊林之水 舒贞四库全書 列之山而合於其東者也但溪流猶不可見而郡南海 卷六下

坡上行二里稍下有村倚坡之西曰柳塘坡盡畦連北 |相望矣從畦塍西行又二里則馬龍之溪自東南峽出 |或言去郡城十五里或言三十里或名為江外河或名 楊林之溪自西南峽出夾流而北至此而合石梁七洞 抵廻奉西踰江而及郡南接海子皆未稻之區而村落 横架其上曰七星橋其自南而北為北盤之上流正與 及曲江橋之大也過橋有廟三楹東向臨之中有舊碑 石堡橋之流自北而南為南盤之上流勢正相等但未 弄九

一人にりうへい

徐霞客遊記

嘉靖丁亥安銓亂後則今以十五里之說為是乃屢詢 土人皆謂其流出東川下馬湖无有知其自霑益下盤 交合溪又注舊名為些丘溢派江名其橋為通靖橋然 為三坐河无定里亦无定名而一統志又名其溪為阿 注其橋曰城東二十里跨交合溪注其溪曰府東南十 之龔起潛之說確而有據不若土人之臆度也間有 五里合流又自異焉按舊城在今城東五里今城築於 江然一統志曰入霑益後考之府志其注與一統同參

一八二 一八八八 徐夜客苑記 外界老春排列東突為是山西北一本員肇東南一本 需益甚真若車翁之上不折而西趨馬湖則車翁之下 山之麓矣按鳳梧山者在郡城東北十里山脉由郡西 行半里隨江折而西循江南岸依山陟嶺又二里餘江 必折而北出三板橋則起潜之指示可知也由江西岸北 車翁之必非馬湖矣蓋車翁之去交水不遠起潛之語 自車翁江下馬湖其說益訛亦可見此水之必下車翁 折而北踰嶺頭折而南下半里由塢中西行循鳳梧南

於壑口而不相下遂潴而成浸者坡南下處石骨漸稜 而零滙連珠蓋郡城之流東南下楊林之川南來相距 梧因訛月為鳳耶共西三里南望壑中海子水不甚大 計之當即此山第府志則月狐鳳梧並列似分两山然 其名標月狐山在城東北八里環亘五十餘里以舊城 斜焉為郡中主山阿交合溪自東夾逼其麓轉而東北 入峽去若避此山者是老龍東北行之春也一統志无 以山形求之寔无两山分受也豈舊名月狐後訛狐為

動定四庫全書

卷六下,

稜露奇又一里行石片中下忽有清泉一泓自石底溢 環樹單雖各涵明月恐不移步而左右望中未必能兼! 景中有龍泉雙月謂郡城東十里有雙泉相去十數步 步又有泉連豬成潭乃石隙廻環中下溢而起汎汎不 而南出其底中空泉混混平吐清冽鑑人眉宇又西數 月夜中立其間東西各見月影中逗以余觀之泉上石 竭亦溢而南去此潭員若鏡而无中空之隙不知水從 何出然其清冽不若東泉之碧瑩无微翳也按郡志、

欠日の事在馬

徐霞客遊記

城之北為最近乃城西坡與鳳梧夾腋中出者越梁又 坡龍問時有聚落而不甚盛按郡志舊郡址在今城東 馬石窩想未置所時其舊名然耳于是西北隨田塍行 塢來亦貫田間而石梁跨之此即所謂北溪也以在郡 中費田間有石梁跨之越之西行又三里復有溪自北 得也又西半里有聚落倚山面经是為鳳所土人謂之 西行一里入尋甸東門轉而南停展於府治東之旅肆 五里不知何村足以當之共西三里有溪流自北塢來

こくこうしょしょう 尋甸四門俱不正蓋因山勢所就也東門偏於北南 通會城後獲而磔之事然乗構作亂以兵直與為人本工西人替武定土官婦祖自改為俱廷實或又云本江西人替武定土官婦廷文或又稱為周繼祖或又稱為阿鳳或又稱為鳳 諸 安之裔派安銓者作亂構武定鳳廷文攻較楊林馬龍 偏於東西門偏於南惟北門差正而又非經行之所 舊治之西五里直逼西山下始築城發磚為雄鎮云 尋甸昔為土府安氏世長之成化間始改流至嘉靖丁亥 州所當道奏發大兵藏之并定改流乃移尋甸郡於 你政衣在記 學二

中 曰有一 尋甸城直東與馬龍對直西與元謀對直南與河口對直 北與東川對其西北皆山其東南大豁 二十四日余初欲行偶入府治觀境圖出門左有肆中 院所倚其向俱東南 **動坑四库全書** 一儒冠者問圖志以有板可刷對余辭以不能待己而 既而曰須俟明晨乃得余不得已姑需之聞? 惟街二重前重乃府與所所蒞後重為文廟城隍察 刷而未釘者在城外家中索錢四百余與之過 景中

有北溪寒洞在東門外北山之下北溪水所從出也因 城中市肆與廣西府相似賣栗者以火炙而賣之 儒學城隍廟下午還寓作記是日晴而有風 獨步往探之遍詢土人莫有識者遂還步城內後街入 類而已仍界還之飯而行出西門即上西山峻甚五里 之下流所載正與一統志同惟新增鳳梧山雙龍潭之 二十五日晨起索志觀之非全本也考所謂阿交合溪 逶迤躡其項則猶非大龍之脊也其脊尚隔一塢西南

欠日日早日で

徐霞客遊記

自果馬山環界而北乃東度而為月狐從其北度之坳 東南下二里抵塢中有小坑豬污流不甚大也西度塢 北由塢中行為潘金魏所道西南上坡為正道余乃治 金月日月石書 海子頗長而深是山之東有泉二派一出於北今名 下有泉為隱毒泉盖是山之西與老龍夾而中窪內成 又南走一支横障於東即此山也志稱為隱毒山謂山 出於南原數而是山南北俱属於大春焉由其西向 里半有草房數間倚南坡上有黑土坡哨前有岐西

金所魏所也三姓官三所在海子西與余所循之山麓 隔水相望是水一名清海子一謂之車湖水瀬山麓清 こうういしい 井之岡南抵南岡東逼山麓而西瀕所聚焉盖惟西北 折而循山麓行南向二里見其水汪汪北轉環所踰智 遇其水沉碧深沿直澈東山之麓路既南臨水湄遂東 聞水聲潺潺者越岡南行二里餘乃下坡遂與西海子 二面大脊環抱可因泉為田而三所屯托之所謂潘所 一里復南踰其岡岡頭多背井中陷草茶翳之或有 余段客院記 340

盡遂西南節岡而行岡不甚峻而横界於東西两界之 者是謂周廣四里則不止焉想從其洞時言也又南一 徹可受然洞時中有沒處可徑而南也今諸山岡支職 箐哨始知其固自西界老脊度脉而東峙為東界北走 有細流自岡西峽墜溝而南矣有數家在西山下為花 里東瑜一眼水之岡又涉漱水之坡南向一里海子南 問皆廣坡漫行由其上南行四里稍南下忽聞水聲已 其問湖水行折廻抱不啻數十里一統志謂四園皆山

C = 10 = 1 /1 /1 林之源矣南行二十五里始有聚落曰羊街子其西界 南行皆两界中之坂雕也或涉西委之水或喻西垂之 果馬水入焉不防此岡不知此脉乃由此也于是隨水 山逶迤而不峻西山崇列而最雄路稍近東山而水悉 坡升降俱不甚高深而土行不能受水皆不成畦然東 湖西山而南焉則花箐諸流之下洩於果馬溪者又楊 豬馬南走綿聳於河口之北崖為竟林山前挟交溪而 而解属於鳳梧之西坳為隱毒山中環大窪而清海子 徐霞客遊記 學五

廬頗聚又有牛街子在果馬溪西大山下與羊街子俱 道之隙焉曰果馬山而南北之水由此分矣幸羊街子居 向一夫自西南横列東北起障最高如重盖上雅南向 金けで月子書 夾水之市皆木密所分屯於此者蓋花箐而南至此始 高南下而其脉寔自南而北叠而中一等為叢簿為中 一支亦自西南横列東北排密稍殺如外幔斜霧雖北 之山至是始開峽重密两叠凑列中有懸箐焉由此而 入為果渡木朗乃尋向走武定之問道盖西界大山北

雲氣充塞兩山漫不可見而寒氣從後擁雨而來拿不 數則薄暮雨意忽動中夜間潺潺聲 三十里恐行不能及途人皆為勘止遂停憩逆旅草紀 能支寒砭風刺两臂僵凍痛不可恐十里稍南下有流 傍水為塍耳時方下午問前途所宿必狗街子去此尚 自東注於西始得來路田畦盖羊街雖有田畦以溪傍 二十六日晨起飯後雨勢不止北風釀寒殊甚待久之 不得己而行但平坡漫雕界東西两界中路從中而寒 余をななた

奉約十餘里橫若門敞平若堵墙北属尋甸南属嵩明 舒定四庫全書 留一 落頗盛在路右曰間易屯又北一里半南岡東自竟林 為尋甸雲南之界盖其嶺雖不甚崇自南界横亘直奏兩 向詢之土人曰果馬村從此遂上南岡平行岡嶺二里 山直界而西西抵果馬南山下與果馬夾溪相對中 轉溯流作環臂狀又有村落倚所環臂中東與行路相 两山田與路猶東西各别耳渡溪南復上坡二里有聚 **院縱果馬溪南去溪岸之東山阻溪不能前遂北**

變下僧號他出留就大新不能燃遍寬枯搓焙之就炙 老僧從東無下煨疾見客殊不為禮禮佛出將去之 由此春而分焉稍南路左奉頂有巷兩重在松影中時 諸老龍之脊東界即羅奉公館後分夫為琴奉祖脊相 沸茶食之已午過矣零雨漸收遂向南坡降三里抵坡 濕衣體始復蘇煨栗瀹茶腸始回温余更以所攜飯乗 雨急風寒急趨就之前門南向閉不可入從東側門 てこうえ ここう 即楊海子之西塢也其處送山大開西界即當明後 7 徐霞容遊記 罕之

竟林山扼河口海東為大道所經海西為嵩明所履但 上次凡三砥木三跨而達涯之西其水蓋與新橋石幢河相 道下竹坑間行一里有大溪自西北環而東注即果馬 **岐路直南去為入州道余時間有南京僧在狗街子大** 對夾成大室海子中涯馬其南楊林所城當鎖鑰其北 溪之循西山出峽至是放而東轉者有橫木梁跨石狀 道之中地名大一半村者欲往泰之然後入州乃從岐 其處竹樹漸客反不遑遠眺大道東南去乃狗街子道 大巴马上八三丁 翠峯小路來雖久雨之後而免陷淖之苦以山徑行人 伯仲者也既渡即平疇遥達村落環錯西南直行六里 之半而頗急石卷橋跨之越而西南行乃寧陷殊甚自 已暫栖州城其寺其徒初與予言後遂出從大道 之北即為大一半村道之南即為玉皇閣入訪南京師 而抵州由塍中東南向遵小徑行二里過小一半村又 西南入州二里又有溪自西而東向注其水小於果馬 一里有大路自東北走西南是為狗街子入州之道道 徐霞客遊記

其寺名无從見也 當明之北門稍轉東而南停於州前旅舍問南京僧忘 余初入滇己陸饒州别駕至是東其棘及月矣二体皆 州目管雖次而不即答先是州使君為吾郡鈕藩武進 抱膝不下樓作書與署印州同張拒不納又以一刺 康莊如此人三里直抵西山下轉而西南又一里而入 少也一入大路遂舉步艱甚所稱蜀道不在重崖而在 二十七日密雲重布雖不雨不霧而街濕猶不可行予

たこうるとこう 一馬巨龍江及白馬廟溪之水為源而東北出河口為北 廟其東為察院其中北向登山數級右為文廟左為明 南都人余故以書為庭於呼不謂張之奸戾乃爾始悔 其前是海子與楊林共之即一統志所云嘉利澤也以果 倫堂尊經閣天色大霽四山畫出始全見海子之水當 炊顏僕侯管倅回書余乃由州署西踐濕徑北抵城隍 彈鉄操竽之拙也是日買得一野凫烹以為供 二十八日晨起濃雲猶鬱勃惟東方已開余令肆婦具 徐霞家廷記

人與烏白蠻會盟之處而今改為嵩明焉州城亦因山 嵩明舊名嵩盟一統志言州治南有盟蠻臺故趾昔漢 東下之脉起而中時如錐州城環之為州治之後山者 盤江之源者也由中路再上抵文廟之後夾衙西入與 金分四月全書 蛇山之巔今謂之黃龍山山小而石骨稜稜乃彌雄山 文廟前後並時者為宗境寺寺建於唐寺古而宏寂踞 斜達門俱不正其向與尋甸相似 今以黄龍名之登此則一州之形勢盡在目中矣

大四月五八二月 出寺下山選飯於店而管停回音不至余遂曳杖出南 壤也昔皆為縣而今首去楊林當大道今猶存所馬 嵩明中環海子田澤沃美其西之邵甸南之楊林皆與 甸縣其北之梁王山為老龍分支之處領挈衆山為本 嵩明正北由大山峽口入竟日而通普岸嚴章為尋向 州西境與尋甸富民昆明分界者也 為竟林山踞河之北為下流之砥正西踰省為舊邵 西境正南隔嘉利澤與羅峰公館對為楊林北境正東 徐霞客遊記

截岡瑜雕下度一竹塢二里而北上山蹋坡盤級而 從閉道北向法界寺待之法界寺者在城西北五里亦 宇重叠直自奉頂與峰俱下路有中盤坳中者有直躡 具程命役追至而程猶置逆旅寓中因令顧僕及取余 彌雄山東出之支突為崇奉者也路當從西門出余時 死兒關乃西南行一里有追呼於後者則管体以回東 門轉而西半里抵塔下大道東南由楊林去余時欲由 二里踰一東下之春見北塢有山一支自頂下垂而殿 卷六下

金月正厚全書

東本頭有立帝殿冠其頂其門東向余入叩畢問所謂 室西北有遥獻最高如員展挈領擁列 環聽之甚近 前東向下歷級甚峻半里得玉虚殿亦東向仍道宫也 南京師者仍不得也先是從城中寺觀見之不得有謂 余初以為嵩明之冠而不知其即梁王之東面也轉而 奉頂者余乃竟蹋其頂一里及之西望春後下有重叠 两旁危箐廻合其境甚此再上出天王殿又下半里有 在法界者故余復迁途至而豈意終莫可踪跡乎由殿 T 余霞客柱记 至...

兒為中道最捷而坦邵甸為北道則近依梁王最僻而 於僧更從北徑為部甸行盖楊林為大道最南而迂飛 南京師未當至而仰觀日色尚可行三十餘里遂詢道 上其殿頗整有讀書其中者而主僧仍不在乃下禮佛 多定四库全書 險余時欲觀其挈領之勢遂取道焉由寺前西南轉竹 正殿甫畢而顧僕亦從塢中上東無有僧出迎詢知 閉户无一僧在又下始為法界正殿先入殿後懸臺之 巷當懸岡之中深竹屋門重泉夾谷幽寂窈窕惜皆 巻六下はは

等中 随物而南一里 喻東南之尚出向所來道遂南下 室為白馬廟神宇之西有塢自北山廻環而成峽有大 **プロラシューニ** 溪自峽中東注而出即前嶺頭遙賦之第二層也其產 石崖駢沓其東有村廬倚岡上為靈雲山西有神宇臨 塍相属隨塍南下西行畦中一里餘望見北岡垂畫處 西南始進逼梁王最崇奉之下盖梁王東突鋒懸中霄 層也由其南横度而西南二里過一村村南始畦 里抵山下有塢自西北來即前嶺頭下瞅重壑之 你改客在記 季

然遂急趨登坡一里有負載而來者再問之曰无及矣 之東皆唇崗絕翁漫无村居問去村若干里曰三十余 焉故梁王東麓之溪瀠注俱從此出也其流與東山之 時為法界寺法界北壑雖與梁王對夾而靈雲度中界 仰觀日色當已不及而土人言不妨速行而至再問皆 即西上坡始余屢詢途人言渡溪而西必宿大村大村 北分一支東下為靈雲奉即白馬所倚再分北一支東 巨龍江相似東西距州城遠近亦相似也溪无橋涉之

多定四库全書

寢焉 雲山僧是養名梵虛僧雖不知禪誦而接客有禮得安 絕頂反為近支所隱不可見計其處正當絕獻之東此 Calling List 即其支岡也岡頭多中陷之坎枯者成智井豬者成天 上追理五里逾岡脊東望嘉利澤猶在足下西瞻梁王 二十九日晨起碧天如洗函飯仍半里渡溪躡西坡而 甚不堪托宿乃東過駢沓石崖從村廬之後問宿於平 不如返宿為明晨計余隨之還仍渡溪入白馬廟廟敬 徐霞客廷記 至

當梁王山之南矣西向平行嶺頭一里又西下半里塢 有小水猶東南流也一里徑塢又西上踰翁半里復下其 東脫去此楊林往普岸嚴章徑余交截之而西半里渡 南之流也有歧路直自為外東南來直西北向梁王山 北崇中來中有流泉頗急循塢西崖東陸此梁王山東 西崖急流復西北躡岡上其上頗峻一里躡本頭已正 北上遂行山南嶺坡間二里復西南下塢中其塢自西 池稍西北盤岡一里復西南下一里度中窪之底復西

多分四厚生書

來者從此看之西北下伏而再起遂矗時梁王焉梁王 嘉利澤是奉東北與梁王主奉亦盤谷東下嘉利澤從 脊上平行而西一里餘出西坳半里始見其脉自南山 東注而下嘉澤始知前所過夾奉之脊猶梁王南走之 王山之西南矣是本西南與南來老春又夾坑東北下 餘支也越水復西北躡峻而上一里半抵奉頭則當梁 · 有南北俱起崇奉夾之水已西南行余以為過春矣隨之 里行峽中轉而南一里又有水自西北來同陸壑

とこうこ ここ

徐霞衣廷記

甸縣之東山西山則指此為東山矣其注東葛勒山則 人莫諳舊名因梁王結寨其頂遂以梁王名之志无梁 无踰此則所謂三十里者又指此為東葛勒山矣但土 曰在邵甸縣西北高三十里為南中名山遠近諸奉高 云邵甸東北故余取道再出於此正欲晰其分支界水 王名未常无東葛勒名也其脉自澂江府羅藏山東北 之源也然志雖不名梁王其注盤龍江則曰源自故邵 山者按志无其名余向自楊林西登老脊已問而知之

多好四库全書

卷六下

文殊商山之脉所由行也由東垂走而東北為正支則 楊林西領而北度飛兒關又北度此而高聳梁王山橫 C. O. ... 1.1. 滇海東垂横夾而嘉利之派遂滙北盤宜其與羅藏雄 至宜良分支東北走者為翠奉之支正支西北走者由 果馬月狐之脊所自發也西垂曲抱而盤龍之源遂潺 旦於邵甸之北其東西两角並聳東垂下臨白馬溪之 西西垂下臨收養澗之東由西垂環而西南為分支則 南北而共稱梁王云過谷即漸西降西販夾塢 To the second 徐霞客遊記 至五

當西出於邵甸之北者也路越南來小水遂西南上 所越南塢之水截塢而從之半里越村之西又開為南 北之塢有小水自南來經西岡下同破西北峽而下 里及場有小溪自東南塢中出越之西行又半里有村 夾塢中上皆側石斜臥從其上行二里始隨坡下墜一 盤窩皆豐禾光光不若将東皆重岡荒碛也一坡西垂 大大村始東西開塢梁王山西南之水由塢北西注余 聚在南山下皆五房竹扉山居中之最幽而整者是曰

舒定四庫全書

たEDE ALI 中間另闢函蓋正北則梁王正春亘列於後東界則老 有峰中垂亦有聚廬其上其地去嵩明州四十里重巒 若斷焉于是陟降西麓半里抵塢有村倚麓西而盧是 甚塞塢中豐禾雲麗村落星羅而溪流猶僅如帶若續 餘始見西塢大開其塢自北而南闢夾甚遥而環拳亦 盤塢而上約里許越其巔又西下半里西南度塢 曰甸頭村即邵甸縣之故址也是村猶偏於塢東塢北 其塢自南流者一里又西踰坡脊平行坡上又西一里 徐霞客鞋記

麓南行一里有二潭潴東崖下南北相並中止有岸及 章西瑜領通富民縣即所從來者惟南塢最遠北自甸 二大而深不可測東倚石崖西瀕大道而潭南則犯龍 許橫隔之岸中開一隙水由北潭注南潭間潭大不及 山而西遂為嵩明昆明之界焉余既至甸頭村即隨東 頭十里至甸尾塢中之水南至甸尾折而南去路亦踰 頗平是通牧養東北循梁王山東垂而北是通普岸嚴 **脊之北走者西界則分支之南環者其西北度處有物** 老六下

金竹に母在書

一界之麓有石梁跨大溪上喻之始隨西麓南行半里溪 水由西南盤谷而入路西北向酯嶺一里登岡頭一里 南十里通東兒關正路則由村西向行一里餘直抵西 麓大溪踰之南二里則甸尾村横路甸南之坡有歧直 神廟馬潭中大魚三四尺汎汎其中潭小甸頭之水自 北來流於大道之西潭中水自潭南溢流大道之東已 而南塢中屢過村聚八里有小水自東峽出西入於西 而俱注於西界之麓合而南去路則由東界之麓相望

たいりえんこう

徐霞客遊記


出松花壩者也再北經甸尾東其峰突為祭鬼山則挾 邵甸之水而西出涯流塘者也西越塢春四里隨西下 而與邵甸之水合而出涯流塘者也過村西南上翁盤 **免兒關其西出之奉突為五龍山則挾滙流塘之水而** 見也蓋其東老将南自宜良經楊林西嶺度而北一 下嶺西塢中路復轉西南行大溪尚出東南峽中不 里又有水自北峽來有梁路之其勢少殺於甸尾橋 水有村在梁之西是為小河口即牧養之流南經此 經

是時新聞迷不順省中戒嚴故昆明各村俱以小路 影曲折四里有數家倚溪北岸為三家村投宿不納蓋 自西北峡來渡之村聚頗盛村之南則邵甸之水已與 便居停為辭余強主一家久之乃為構火炊粥啟戶就 為涯流塘其際洞之勢可想也從此由西岸入峽其峽 甚逼夾萃駢崖中通一水路亦隨之落照西傾寫不見 折山坡者七里中有一窪之寶旣而陡下峽中有小 河口之流合而西向出峽至此復折而南入峽中是

とこのは ノニー

徐霞客莲記

城東門飯於肆出南門抵向所居停處則吳方生出遊 由峽中行已乃與溪别復西踰嶺共三里而入報思寺 榻焉 多分四月全書 橋而南經演武場而出火燒橋下南壩矣從橋西入省 經省城東北隅南行已乃轉西度大橋則大溪之水自 仍轉東二里而過松花壩橋又循五龍山而南三十里 月初一 化寺未返余乃坐待之抵暮握手喜可知也 日晴爽殊甚凌晨從三家村吸所存粥即 F 卷六下: 一兄有 西



金发口石石重 徐霞客遊記卷六下 卷六下